



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

2264

82

P-43

2 NOV 200

**БЕРЕГИТЕ КНИГУ!**

ОНА СЛУЖИТ НЕ ОДНОМУ, А МНОГИМ.

Возвращайте книгу в  
срок, чтобы и другие  
могли воспользоваться  
ею.

Handwritten marks and numbers in blue ink at the top left of the page.

Handwritten number '1' at the top center.



Handwritten numbers '88-1' and 'p-43' with a signature.

ՅԱՒԵՆՈՒԱԾ «ԼՈՒՄԱՅ» ԱՄՍՍԿՐԻ

Handwritten initials 'Sh'.

ALFRED TENNYSON

Handwritten number '5-34'.

**\* Յ Ի Շ Ա Տ Ա Կ Ի Ն**

I N M E M O R I A M

Центральная Библиотека им. Ленина  
гор. Ереву

ИНВЕНТАРИЗАЦИЯ 1936 г.

Handwritten number '1044'.

№ 21709

Ս.Նզդիբեկ բնագրից

Թարգմանեց Արամյա Մելիք-Չամեանց



Արագածիս Ա. Ընթացիկ, Նիս. 21.  
Թ Ի Շ Ի Թ 1905

2269

### ՅԱՌԱՋԱԲԱՆ

Տէնիսօնը (1809—1821) հանգուցեալ Վիգորիա թագուհու պալատական երգիչն (Poet Eaurete) էր: Տասն և իններորդ հարիւրամեակը Մեծն Բրիտանիայի համար նշանաւոր էր հռչակաւոր հեղինակներով, բանաստեղծներով ու գիտնականներով, բայց «նչ մի ժամանակակից բանաստեղծի ստեղծագործութիւնը չէ ունեցել այն խոր և մնայուն ազդեցութիւնը ընդհանուր անգլո-սաքսօնեան ցեղի վերայ, ինչպէս Տէնիսօնինը»:

In Memoriamը Տէնիսօնի գլուխ գործոցն է: Անգլիացիների կարծիքով դա «մեր դարի պօէման» և անգլիախօս հասարակութեան հաւատքի սիմվոլն է: Այս «ժամանակակից սաղմունները» մեծ ոգևորութեամբ ընդունուեցան ոչ թէ միայն ժողովրդի, այլ և մեծահասակ գրագէտների ու գիտնականների կողմից: Մեծանուն Քարլայլը ի միջի այլոց գրում է՝ «Տէնիսօնի սքանչելի «In Memoriam-ը» «կարդում եմ անդադար, առանց ձանձրանալու և պիտի կարգամ այնքան, մինչև որ իւրաքանչիւր տողը սեպհականեմ, իւրացնեմ»: Չարլս Բինկսլին մի ընդարձակ մատենախօսութեան մէջ յայտարարում է, թէ «այս պօէման կարող ենք ավենայն իրաւամբ հաւասար դասել Շէքսպիրի սօնէտների հետ»: Ուշագրութեան արժանի մի փաստ էլ սա է, որ ինչքան էլ այս բանաստեղծութիւնը շատերին վերացական թուի, այսուամենայնիւ շատ ազատամիտ գիտնականներ մեծ հիացումով են խնայում դորա մասին—օրինակ, Հաքսլին, Հերշլը, Օվըն ու Թինիքայլը: «Զըկայ» ասում է վերջինը, ինձ ծանօթ պօէմաների մէջ մէկը, որ նյսպէս գեղեցիկ, մաքուր և ուժեղ լինի»:

In Memoriam-ի մէջ Տէնիսօնը պախարակում է ամեն տեսակ ձեռագործութիւն ու կրօնամտութիւն. նա իսկական կրօնասէր է, առանց ճգնաւորի պէս մոլեռանդ լինելու. ջատագովում է միայն այն, ինչ էական ու իսկական է կրօնքի մէջ: Նա իբրև ճշմարիտ բանաստեղծ՝ հաւատում է, թէ մարդկային կեանքը չի սահմանափակում գերեզմանով. մահը նորա համար նշանակում է «դէպի առեջ»:

Дозволено цензурою, Тифлисъ, 30-го Мая 1905 г.



3337  
40

Նա սիրում է անհունապէս մայր բնութիւնը, փառաբանում է գիտութիւնը, դրուատում է մարդկային սէրը, նկարագրում է այդ սիրոյ ոյժն ու զօրութիւնը, ձգտում է դէպի վեր, թափանցում է բնութեան և հոգու ծածուկ խորքերը: Նա դուրս է թափում սրտի վառվռուն զգացմունքներ, տալիս է կեանքի վերաբերեալ ամենակարևոր հարցեր, առաջ է բերում թեր ու դէմ կարծիքներ—խառն ի խուռն, իրար ետևից, այնպէս որ լուրջ և ուշադիր ընթերցողը կամայ-ակամայ պէտք է կանգ առնի ու մտածէ:

In Memoriam-ը համարւում է իր տեսակի մէջ անզուգահան. դա մի հրաշալի ներբող է, որ բանաստեղծը ձօնել է իր սիրած ու պաշտած ընկեր-բարեկամին—մի ներբող, որի «նշմանը ոչ մի բանաստեղծի զգրչից չի արտադրուել»: Տէնիսոնի այդ բարեկամը կոչւում է Արթուր Հալլամ, նշանաւոր պատմագիր Հալլամի որդին, ուսանում էր Տէնիսոնի հետ միասին Քէմբրիջի համալսարանում, ուր և իրար հետ բարեկամացան փոխադարձ սիրոյ ամենասերտ կապերով: Նա՞ բանաստեղծի այդ «կիսաստուածը» նշանուեցաւ նորա քրոջ հետ, բայց հարսանիքը նշանակուած օրից կարճ ժամանակ առաջ մեռաւ օտարութեան մէջ 22 տարեկան հասակում. դիակը նաևով փոխադրուեցաւ հայրենիք ու թաղուեցաւ Օբլիդոնի եկեղեցում:

Բայց արդե՞օք բանաստեղծը չափազանցութիւնների մէջ չէ ընկել. միթէ՞ Արթուր Հալլամը իսկապէս արժանի էր նորա շուայլած այդ գովեստներին»:—Մենք շատ ժամանակակից վկանների միջից միայն մէկին կընտրենք, աշխարհահռչակ քաղաքագէտ Գլադստոնին, որ նոյնպէս այդ շնորհալի երիտասարդի մտերիմ դասընկերն էր, հետևաբար լաւ ծանօթ նորան: Մի քանի ամիս նորա մահից առաջ հետևեալ գրաւոր վկայութիւնն է տուել նորա մասին.—նա (Ա. Հ.) բոլոր ուսանողների մէջ ամենաառաջադէմն է, օժտուած այնպիսի գերազանց մտաւոր կարողութիւններով, այնպիսի գեղեցիկ բնաւորութեամբ, որ ամեն մի նորա հետ յարաբերութիւն ունեցողը չէ կարող չազդուել ու չազնուանալ»: Նորա քաղցրանուշ ձայնը, նորա դէմքի ազնիւ գծագրութիւնները անդիմադրելի կերպով գրաւում էին բոլոր ընկերների սրտերը: Տասն և չորս տարեկան հասակում թարգմանեց Դանթէի „Ugolino“-ն լատիներէնից յունարէն տաղաչափութեան—ինքը անզլիացի: Տասն և ութը տարեկան էր, երբ գրեց իտալե՛րէն սօնէտներ այնպիսի վարպետութեամբ, որ գրական աշխարհի մէջ հեղինակաւոր Անտոնի Պօնէցցին յայտարարեց, թէ անզլիացի Ա. Հալլամի իտալե-

րէն ոտանաւորները չէ կարելի զանազանել բուն իտալացի բանաստեղծների ոտանաւորներից:

Թարգմանիչը խոստովանում է անկեղծաբար, թէ անկարելի էր լիովին պահպանել բնագրի անհամեմատ բարձր գեղեցկութիւնը հայերէն թարգմանութեան մէջ: Անզլիական լեզուն, այն էլ Տէնիսոնինը, որ կոչւում է Decorative Poetry ի (պատկերաւոր բանաստեղծութեան)՝ մեծ վարպետը—բաղկանում է գլխաւորապէս միավանկ բառերից, այնպէս որ մեծ աշխատութիւն էր պէտք ուրիշ լեզուի վերածել այս հոյակապ պօէման: Շատ անգամ թարգմանիչը ստիպուած է եղել ընդհատել թարգմանութիւնը, այլ՞եւ չը վերսկսելու մտքով. բայց In Memoriam կարգալը նորա համարձեղել էր մի անփոխարինելի անհրաժեշտութիւն: Անողոք մահը նոր էր խլել թարգմանչի սիրասուն անդրանիկ որդի Պ—ին: Ընթերցողը կարող է երևակայել, թէ այս բանաստեղծութիւնների իւրաքանչիւր տողը ի՞նչ բալասան էր մի որդեկորոյս հօր սրտի վէրքերէ համար...

ԱՅՐԱՀԱՄ ՄԵԼԻՔ-ՉՀԱՆԵԱՆՑ



LORD ALFRED TENNYSON

\* Յ Ի Յ Ա Տ Ա Կ Ի Ն

( I N M E M O R I A M )

Անգլիերէն բնագրից քաղմանց

Ա Բ Բ Ա Ն Ա Մ Մ Ե Ն Ի Բ - Զ Ն Ա Ն Ե Ա Ն Թ

Մեծ Աստուածորդի, Մէր անմահական,  
Թէկուզ չենք տեսել բընաւ քո երես,  
Բայց բեզ գրկում ենք հաւատքով միայն,  
Քեզ, որ մեզ համար անքննելի ես:

Դու սահմանեցիր թէ լոյս թէ ստուեր,  
Մարդ ու կենդանուն դո՛ւ տուիր եւ կեանք.  
Մեր գանգի վերայ կան մահու հետքեր,  
Դո՛ւ արիր մահը, դո՛ւ արիր եւ գանգ:

Դու մեզ չես ուզում թողնել հողի մէջ,  
Մեզ ըստեղծեցիր—չըզխենք ինչո՛ւ.  
Մենք խորհում ենք՝ թէ պիտ ապրենք անվերջ,  
Դու ըստեղծել ես և արդար ես դու:

Դու մարդկային ես և Աստուածային—  
Կատարեալ տիպար, գերագոյն մի մարդ,  
Մեր կամքը մերն է. բայց և քո կամքին  
Պէտք է խոնարհուի պարկեշտ ու հանգարտ:

Մեր ծրագիրներն հիմք չունին երբէք,  
Շեղում են շուտով բուն նպատակից,  
Այլ դորանք միայն շողեր են բեկ-բեկ—  
Իողողուն շողեր քո արեգակից:

Հաւատքը կօզնէ, երբ միտքն է անկար,  
Լոկ տեսանելին կարող ենք քննել.  
Դու տալիս ես մեզ հաւատքի դամբար,  
Որ մեզ զուրս բերի խաւարից անել:

Թող գիտութիւնը զարգանայ անշեղ,  
Բայց սուր՝ երկիւղած լինինք աւելի,  
Որ միտք ու հոգի գործեն միատեղ,  
Իբար հետ պահեն կապ անխզելի:

Բայց, ով Անսահման, բիրտ ենք ու տգէտ,

Անվախ անուժ ենք ընդ ծաղր ու ծանակ.  
Ոհ, օգնիր, ով Տէր, որ տոկանք յաւէտ,  
Թող սին աշխարհին լոյս տայ քո ճրագ:

Դու ներող եղիր, թէ ունիմ յանցանք.  
Այս աշխատութիւնս ունայն ու տձև  
Թէկուզ մարդկանց մօտ գտնի գովասանք,  
Բայց ի՞նչ գին ունի իմ ու քո առջև:

Ներիր, որ այսքան տխուր ու տրտում  
Երգեր ձօնեցի ընկերիս մահուան,  
Անշուշտ նա հիմայ քո մէջ է ապրում,  
Ուստի էլ աւել սիրում եմ նորան:

Ներիր, եթէ ես՝ զ՞ուր վայնասունով,  
Մերթ մեղանչել եմ ճշմարտութեան դէմ,  
Թող քո երկնային իմաստութիւնով  
Կրթուիմ ու այդպէս իմաստուն լինեմ:

I Ես համաձայն եմ այն <sup>1)</sup> պօէտի հետ,  
Որ հռչակում է անուշ երգերով,  
Թէ մարդ կարող է վեր ձգտել յաւէտ՝  
Մեռած «ես» ի դէմ կռիւ մղելով:

Բայց ո՞վ է տեսնում ապագան հետու,  
Եւ կորստի դէմ գտնում մի օգուտ.  
Կամ ո՞վ է ձգտում ամուր բռնելու  
Արցունքից յետոյ մի վայելք անսուտ:

Թող սէրը վշտին փարէ անարգել,  
Թէ ո՞չ երկուքն էլ կը կորչին իսպառ,  
Աւելի քաղցր է սիրել ու զրկուել,  
Մահուան դէմ կռուել ու մրցել յամառ,

Քան թէ զուր վատնուած յաղթառատ ժամեր  
Ծաղրի բռնեն մեզ ու յանդիմանեն,  
— «Տեսէք, այս մարդը թէ՛ս սիրում էր,  
Բայց սիրող սիրտը նուազեց արդէն»:

II <sup>2)</sup> Գեղձ մշտադալար, որ բարձրացել ես  
Իմ բարեկամիս հողակոյտն ի վեր,  
Քո արմատները՝ մի նուրբ ցանցի պէս,  
Պատել են <sup>3)</sup> նորա գանգ ու ոսկորներ:

Գարնան ծաղկում են վարդ ու մանուշակ  
Զարթնում է կեանքը և աճում նորից.  
Եւ դողանջում է բօթաբեր զանգակ,  
Թէ մահը խլեց որդուն իր մօրից:

Բայց քեզ արևը բնաւ չէ խանձում  
Եւ չէ տապալում քեզ ոչ մի մրրիկ.  
Քո հազարամեայ կանաչ հանդերձում  
Դու միշտ փաթաթուած կանգնած ես լռիկ:

<sup>1)</sup> Գէօթէն: <sup>2)</sup> Ծառի անուն: <sup>3)</sup> Բարեկամը:



Դու ծառ միգապատ, ախ ինչքան կուզեմ  
Նայել զէպի քեզ, խորհել քո մասին.  
Շարժում ես իմ մէջ անուրջներ վսեմ,  
Կուզեմ ներսուզուել քո մէջ լիովին:

III Ո՛վ վիշտ անողորմ, իմ չար ուղեկից,  
Դու մահազուշակ դաժան բրմուհի,  
Մերթ քաղցր է քո շունչ և մերթ թունալից,  
— Ի՞նչ ես յորջորջում սուտ ու անտեղի:

— «Վերը՝ աստղերից», շնչում է նա,  
«Մի ցանց է հիւսուած՝ խառն ու այլանդակ,  
Մարող արեից լսում են ահա  
Գանգատ ու տրտունջ և խուլ աղաղակ.

Ողջ բնութիւնը մի անձև պատկեր,  
Պարուսիկ ցնորք ու լոկ մի պատրանք.  
Քո սրտից բղխած անլուր մրմունջներ  
Տալիս են միայն մի խուլ արձագանք»:

— Միթէ՞ այդ ձայնից խաբուիմ կուրորէն,  
Կամ այդ քրմուհուց սպասեմ բարիք.  
Չարտաքսեմ դորան, չըբջեմ ես դէն  
Իմ սրտի դռնից որպէս մի չարիք:

IV Քնին եմ յանձնում իմ ոյժ ու կորով,  
Դառնում է կամքըս խաւարին գերի.  
Անդեկ նաւակում մենակ նստելով՝  
Տալիս եմ ինքզինքս տխուր խոհերի,

Եւ ասում՝ «ինչպէս այս կեանքը տանել,  
Երբ իմ սրտիս մէջ չըկայ մի փափազ.  
Չեմ իսկ յանդգնում այս հարցը անել,  
Թէ ինչո՞ւ թոյլ է իմ սրտի երակ:

Ընդմիշտ զրկուել եմ, ախ, մի էակից,  
Որ վաղուց ի վեր թանգ էր ինձ համար.  
Սառուց ես կապել, արցունք, իմ ցաւից,  
Դէ՛հ, հալուիր հիմայ, ու վազիր ի վար:

Այսպէս ամպերը իմ սև վշտերիս  
Գալիս—անցնում են քնիս մէջ ըստէպ.

Բայց առաւօտը կամքը դարձնելիս՝  
Դողում է՝ «քաջ կաց, կորստի հանդէպ»:

V Երբեմն կարծում եմ, թէ զուր է, որ ես  
Պօքով եմ յայտնում սրտայոյզ իմ սուգ.  
Ծով-սրտի խորքը՝ մայր-բնութեան պէս,  
Կիսով յայտնի է և կիսով ծածուկ:

Բայց մեր անհանդարտ սիրտ և ուղեղին  
Հանգիստ են տալիս երգ ու երգեհոն.  
Ներդաշնակ երգի տխուր մեղեդին  
Մեղմում է ցաւը որպէս ափիոն:

Պօքը ինձ համար ձորձի է նըման,  
Թէև կոշտ-կոպիտ, բայց տաք է պահում.  
Մեծ վիշտը այդտեղ մտած է դարան,  
Հազիւ ծալքերից դէպ զուրս է նայում:

VI Մէկը գրում է իր մի նամակում,  
Թէ «մահը մէկ է բոլորի համար,  
Եւ բարեկամներ դեռ շատ են մնում».  
— Բայց յարդը երբ է հացին հաւասար:

Թէ մահը մէկ է, անխուսափելի —  
Դա ինձ չէ տալիս ո՛չ մի սիրտիսնը,  
Այլ դա ինձ համար ցաւ է աւելի,  
Որ ո՛ր չէ անցնում խլում է մի կեանք:

Ո՛վ հայր, քո որդուն քաջ ու անձուրաց,  
Դու նուիրել ես քո հայրենիքին,  
Չեռքիդ բաժակը դու դեռ չըխմած՝  
Նա մի գնտակից փուռում է գետին:

Ո՛վ մայր, դու Տէրից հայցում ես անվերջ,  
Որ նաւորդ որդիդ չըտեսնէ աղէտ.  
Բայց դեռ ներսուզուած քո աղօթքի շնչով՝  
Նորա նաւակը խրում է անհետ:

Դեռ չըզիտէի ես էլ ձեզ նման,  
Թէ անդարձ կորաւ իմ սիրոյ ընկեր,  
Այլ միշտ միամիտ մինչ վերջին վայրկեան՝  
Յօրինում էի մեկանոյշ երգեր:

Ես կարծում էի, թէ նա պիտի գայ,  
Այսօր կամ վաղը երգս լսելու,  
Դուրս էի գալիս, որ ճամբի վերայ  
Վազեմ ու ասեմ՝ «բարի եկար դու»:

Չըզիտեմ թէ ուր մի հէզ <sup>1)</sup> աղաւնեակ  
Նստած սանրում էր ոսկեթել իր վարս.  
Ոսկէ յոյսերով, կարօտ շարունակ՝  
Դեռ սպասում էր գեղանի այդ հարս:

Դեռ վառարանը փայլում էր հանդարտ,  
Իսկ իր սրտի մէջ սիրակէզ մի հուր,  
Եւ մի ժպտաւէն ու մի կարծիր վարդ  
Առաւ ու պճնեց հերքը ոսկեհուն.

Եւ ասաց, թէ նա այս գարդ ու խոպոպ  
Տեսնելիս՝ պիտի համարէ սիրուն—  
Ամօթից կարծրեց ու սրտատըրով  
Ձեռքի հայելին վար դրաւ իսկոյն:

Բայց, աւանդ, բաղդը կոյր ու չարադաւ  
Վճռել էր նէրան մի այլ տխուր վարձ—  
Իր սիրականը չէր գալու բնաւ,  
Վար ընկաւ ձիուց ու մեռաւ յանկարծ:

Նէ ինչպէս տանէ իր այդ պատուհաս,  
Ես ինչով մեղմեմ իմ վիշտ ու թախիծ—  
Նա պիտի մընայ ընդմիշտ անմուրազ,  
Իսկ ես՝ անընկեր, զուրկ բարեկամից:

VII Մութ փողոցի մէջ մի դռան շէմքին,  
Ուր բաղդ ունէի յաճախ գնալու,  
Եւ ուր իմ սիրտը զարկում էր ուժգին—  
Կանգնած էի ես մէկին ձեռք տալու:

Բայց, անի, իմ ձեռքը էլ բռնող չըկար,  
Էլ ոչ քուն ունիմ, ոչ ժամ հանգստեան,  
Եւ լուսածագին խոնջ ու գողահար  
Դունից ներս մտայ մի գողի նման:

Ա՛խ, նա այստեղ չէր, բայց որպէս մի ծով

<sup>1)</sup> Բարեկամի նշանածը, որ Տէննիսօնի քոյրն էր:

Եռում է կեանքը հեռու վայրերում.  
Եւ խաւարամած անձրևի միջով  
Փողոցի վերայ նոր օր է ծագում:

VIII Մի ուրախ սիրող վազում է մի օր  
Սիրունու տունը՝ սէր վայելելու,  
Մնում է սառած ու մտամոլոր  
Նէ տունը թողել, չուել էր հեռու:

Եւ ցերեկ օրը դառնում է գիշեր,  
Տուն ու անդաստան՝ թխպամած ու մութ...  
Սենեակ ու սրահ, դաշտ ու հովիտներ  
Շուտ ըստանում են մռայլ երևոյթ:

Այդպէս եմ եւ ես—գեղեցիկ այս վայր,  
Ուր շրջում էինք, չունի հրապոյր,  
Ա՛խ, նա, որ չըկայ՝ այստեղ ծայրէծայր  
Թառել է հիմայ ամպը սևաթոյր:

Նոյնպէս նման եմ մէկին, որ հանդում  
Պտոյտ է գալիս, որ գտնէ ծաղիկ—  
Մի ծաղիկ, որին խնամք էր տարւում,  
Բայց յորդ անձրևից ծեծուել էր սաստիկ:

Ինձ թւում է թէ բաղդը ճիշտ այդպէս  
Վարուեց իմ ծաղիկ-պոյէղիայի հետ—  
Քո հսկող ձեռքից զուրկ մնալուց դէս՝  
Քամուց շարժում է և ծեծւում յաւէտ:

Հիմայ տնկում եմ տապանիդ վերայ  
Այս իմ ծաղիկը—վաղուց քեզ ծանօթ,  
Որ գուցէ այդտեղ նոր կեանք ըստանայ,  
Կամ եթէ մեռնի, գէթ մեռնի քո մօտ:

IX Ով նաև սիգածեմ, որ լողում ես արդ  
Պերճ Իտալիայից լայն ծովի վերայ,  
Բացիր առագաստ, և բեր ինձ հանդարտ  
Այն սուրբ դիակը—ընկերինս է դա:

Այո, բեր հասցրու մինչև հայրենիք—  
Նորանց, որ իզուր ողբում են յաւէտ.  
Թող յաջող հողմեր և վէտ վէտ ալիք

Քեզ քշեն բերեն այդ նշխարի հետ:

Գիշերը քամին չըզոռայ ամուր,  
Եւ չը պղտորէ քո գեղ աղօսներ,  
Մինչև լոյս աստղը սիրոյ պէս մաքուր,  
Փայլէ ցողապատ դատիկանդ իվեր:

Աստղեր, ձեր լոյսը սփռէք ծայրէծայր,  
Ննջիր, ով երկինք, այդ նաւի դիմաց.  
Հանգչեցէք, հողմեր, ինչպէս իմ եղբայր  
Հանգչում է հիմայ մունջ ու լոակեաց:

Էլ չեմ տեսնելու քեզ, ով իմ Արթուր,  
Մինչև կըհասնէ իմ կեանքիս վախճան.  
Քեզ պէս մի եղբոր սէր գտնեմ ես, սէր,  
Սիրելի ես ինձ քնքոյշ մօր նման,

X Լուում եմ, ով նաւ, քո խուլ շառաչիւն,  
Լուռ գիշերուայ մէջ հնչեց քո զանգակ.  
Տեսնում եմ ղեկըդ վարող նաւաստուն,  
Տեսնում եմ նոյնպէս քո լոյս ու ճըրագ:

Դու բերում ես տուն քո ճամբորդներին,  
Եւ քաջ նաւաստուն իր խեղճ կնոջ մօտ.  
Նամակներ ունիս կարօտ սրտերին,  
Բայց մեզ համար ի՞նչ. մենք էլ ենք կարօտ,

Աւաղ,— մի դիակ, թող այդ լինի, բեր,  
Սին երազները ամոքում են վիշտ.  
Մենք պահպանում ենք հին սովորոյթներ,  
Դորանք վեր քիմքին հաճելի են միշտ:

— Հողի տակ կուզենք թաղել մեր դիակ,  
Որ տապ ու անձրև խոտ բուսցնեն վերան,  
Կամ տաճարի մէջ սուրբ սեղանի տակ,  
Ուր ճաշակում է հէզ քրիստոնեան:

Բայց ի՞նչքան ցաւ է, եթէ դա թաղուի  
Խորունկ ծովի տակ անհետ ու անտես,  
Եւ ծովամամուռ ու խեցեմորթի  
Փաթաթուին դորան ու պահեն այդպէս:

XI Հանգարտ առաւօտ, չըկայ ոչ մի ձայն,

Ո՞նջ սրտի համար յարմար տեսարան...  
Դեղնած ծառերից թափում են միայն  
Համեղ պտուղներ, մրգեր զանազան:

Հանգարտ ու անշարժ փշոտ մորենին,  
Հովիտ ու անտառ էլ ժամ չեն գալիս.  
Ցողապատ թուփը սարերի լանջին  
Կանաչ ու կարմիր գոյներ է տալիս:

Սաղաղ լեռ ու ձոր, հանգարտ խոտ ու սէզ.  
Վաղ-առաւօտեան շողը ջերմաւէտ  
Ոսկեգօծում է կալի բարդ ու դէզ—  
Եւ ապա խառնում հեռուն ծովի հետ:

Հանգարտ է օդը, և կամաց-կամաց  
Դեղին տերևներ թափթփում են վար,  
Հանգարտ է սիրտս՝ ցաւերով զտուած—  
Այդպէս հանգիստը թանգ է ինձ համար:

Հանգարտ է ծովը, միայն թէ հազիւ  
Դողդոջ ալին է դէս-դէն ծածանում.  
Սառ ու հանգարտ է <sup>1)</sup> Նորա կուրծքն ազնիւ,  
Ա՛խ, ալեաց հետ է միայն բարձրանում:

XII Ահա աղաւնին բարձրանում է վեր,  
Որ տանէ երկինք ցաւագին մի լուր.  
Երբ թափ է տալիս իր ուժգին թևեր,  
Ցիշում եմ Յովրի օրերը արխուր:

Հողիս էլ իրբև նոյեան աղաւնի  
Իմ միսն ու մարմին այս մահկանացու,  
Իմ ջիղ ու նեարդեր—մի բեռ ձանձրալի—  
Թողնում է ետև ու թռչում հեռու:

Այդպէս թռչում եմ դէպի ջինջ հարաւ,  
Եւ հասնում մինչև ծովը կապուտակ.  
Հեռուից հեռու տեսնում եմ մի նաւ,  
Ծովափին կանգնած՝ լալիս շարունակ:

Ասում եմ՝ «ընկեր, դառնում ես դու տուն,  
Հասել է արդե՞ք ցաւերիս վախճան».

<sup>1)</sup> Բարեկամի անկենդան կուրծքը:

Օգը կրկնում է այս իմ վայնասուն՝  
«Հասել է վախճան, հասել է վախճան»:

Ցատկում եմ նաև և արագ վազում  
Մերթ յետ ու առաջ և մերթ դեկի շուրջ,  
Ուր սուրբ դիակը տեսնում եմ, ասում՝  
«Ա՛խ, լոկ ունէի մի ժամուայ անուրջ»:

XIII Երբ այրի մի մարդ բնի մէջ տխուր  
Տեսնում է իր նոր կորցրած ընկերին,  
Գրկել է ուզում. բայց, աւանդ, իզուր—  
Սկսում է ողբալ ու լալ դառնազին:

Ե՛ս ի՛նչպէս չըլամ, երբ իմ սիրելիս  
Թողել է ինձ զուրկ, մենակ ու նկուն.  
Երկու ընկերներ իրար ձեռք տալիս  
Միայն՝ կը տիրէ խորին լուռութիւն:

Ա՛յսքան էլ մորմոր, ա՛յսքան էլ տրտունջ.  
Չուր են ասում թէ «Նա կորաւ անհետ».  
Անգին էր սիրտը, չունէր լոկ մի շունչ,  
Այլ ազնիւ հոգի, որ կապրի յաւէտ:

Եկ, ինձ սովրեցրու, դու, ով ժամանակ,  
Թէ կեանքը լուրջ է և ո՛չ թէ երազ,  
Ե՛կ, արդ ամեն ինչ տեսնում եմ խառնակ,  
Ե՛կ, լալ կարող եմ յետոյ հանապազ:

Միտքըս թռչում է յանկարծ այս ժամում,  
Եւ նշմարում է հեռուից մի նաւ—  
Որպէս թէ հարուստ բեռներ է բերում,  
Բայց, ա՛խ, մի դիակ—միայն վիշտ ու ցաւ:

XIV Եթէ մէկը գար և ինձ լուր բերէր,  
Թէ այսօր և եթ ափ ես համնելու,  
Ես կը վազէի այնտեղ անհամբեր՝  
Քո խարխիս գցած նաւը տեսնելու:

Եւ կը տեսնէի՝ մարդիկ շարեշար  
Ըշտապաւ նաւից ծովափ են իջնում,  
Եւ բարեկամներ գրկում են իրար—  
Ես կը մնայի տխուր ու տրտում:

Ախ թէ դորանց հեա նա իջնէր ցամաք,  
Որ կիսաստուած էր ինձ համար վազուց,  
Եւ ձեռքըս սեղմած՝ երկար ու բարակ  
Հարց ու փորձ սկսէր ու անէր զրոյց:

Ես կը պատմէի իրան մի առ մի,  
Թէ կարօտ սիրտս հալուժաշ եղաւ,  
Իսկ նա կը գտնէր շատ զարմանալի,  
Որ կրել էի այդքան վիշտ ու ցաւ:

Եւ թէ չը հասնէր վերան պատուհաս,  
Աւար չը գնար անողորմ մահուան,  
Եւ թէ տեսնէին Նորան անվնաս—  
Դա չէր թուի ինձ անսովոր մի բան:

XV Մութ արևմուտքից բարձրացաւ մի հողմ,  
Մաստիկ գոռում էր, ոռնում այս գիշեր,  
Դեղնած տերևներ ցրուեց ամեն կողմ,  
Ազուաւը վախից թռաւ դէպի վեր:

Անտառը սարսեց, ծովը յուզուեցաւ,  
Հօտը դաշտի մէջ խառնուեցաւ իրար,  
Բաղխեց սար ու ձոր, մեկնեց սրարշաւ,  
Մինչև արևը լոյս թափեց աշխարհ:

Եւ եթէ չասէր իմ ներսը մի ձայն,  
Թէ Նորա նաւը լողում է մեղմիկ  
Լուռ ծովի վերայ—բիւրեղի նման՝  
Ես չէի տանիլ այս գոռ փոթորիկ,

Որ դրդում է աշնան ծառ ու ճիւղ.  
Բայց այս տեսնելիս՝ զարթնում է կասկած...  
Վշտայոյզ սիրտըս որպէս հրաբուլիս  
Ժայթքում է դէպի երկինք ամպամած,

Ուր ամպը ըստէպ վեր է բարձրանում  
Եւ քաշում իր հետ սիրտըս վշտարեկ  
Եւ կուտակում է մութ արևմուտքում,  
Որպէս մի պատնէշ վառ ու հրաշէկ:

XVI Այս ի՛նչ խօսքեր են՝ իմ լեզուից թոան.  
—Մեզմ վհատութիւն և ցաւ սոսկալի



3337  
40



Ե՛րբ մի կուրծքի մէջ մէկ տեղ կը մնան—  
Ա՛յսքան էլ վիշտը յեղյեղուկ լի՛նի:

Մարդը մնում է կարծես անտարբեր  
Թէ փոթորկալից, թէ պարզ օրերում,  
Բայց գիտես թէ ինչ պէս-պէս յուզմունքներ  
Վխտում են նորա սրտի խորշերում:

Կամ թէ ասան ինձ՝ միթէ՞ կիմանայ  
Մի մեռած ծովի խորամուխ յատակ,  
Թէ իր կապուտակ հայելու վերայ  
Արտոյտը վերից գցել է շուաք:

Բաղդը ցնցեց ինձ, հարուածեց ուժգին—  
Ինչպէս գիշերը մի ժայռ սեպածև  
Հարուած է տալիս փոքրիկ նաւակին,  
Եւ խիստ ցնցելով՝ խրում է ներքև:

Աւանդ, խառնում եմ ցիր ու ցան մտքով  
Սուա ու ճշմարիտ, հին ու նոր իրար.  
Աւանդ, էլ չունիմ ո՛չ մտքի կորով,  
Ո՛չ գիտակցութիւն և ո՛չ գաղափար:

XVII Ով նաև բաղձալի, դու յօտենում ես՝  
Մի յաջող քամուց առաջ մղուելով,  
Եւ իմ ազօթքը՝ մի մեղմ սիւզի պէս,  
Քեզ գէպի ափ է բերում ապահով:

Հոգով տեսնում եմ՝ շարժում ես մեղմիկ,  
Ներքև հանդարտ ծով, վերև ջինջ կամար.  
Ա՛խ, իմ օրերը երկար են ու ձիգ,  
Ըշտապիր ու բեր նորա սուրբ նշխար:

Իմ օրհնութիւնը քեզ միշտ ուղեկից—  
Որպէս մի պայծառ լուսոյ շառաւիղ,  
Որ քեզ գերծ պահէ չար վտանգներից,  
Եւ տիւ ու գիշեր ցոյց տայ քո շաւիղ:

Քամին հակառակ ու աղէտաբեր  
Թող հանգիստ թողնէ քեզ, ով սուրբ նաւակ.  
Եւ ես կազօթեմ, որ պայծառ աստղեր  
Փայլեն քո վերայ գիշեր ժամանակ:

Այդ սուրբ աճիւնը, որ բերում ես դու,  
Գոնէ հիմայ ինձ կըտայ սփոփանք,  
Նորան ես այստեղ էլ չեմ տեսնելու,  
Մինչև վերջանայ որբացեալ իմ կեանք:

XVIII Դա էլ մի բան է, որ նա գէթ հանգչէ  
Իր հայրենական օրհնեալ հողի տակ,  
Եւ նուիրական իր փոշուց գուցէ  
Ծլին ու ծաղկին վարդ ու մանուշակ:

Դա չնչին բան է, բայց եւ ցանկալի  
Յանձնել աճիւնը այստեղ տապանին,  
Որ իր բոլորտիք վայրեր ընտանի  
Եւ իրան ծանօթ անուններ լինին:

Հասէք, սուրբ ձեռքեր, կրէք այս գլուխ,  
Որ հանգիստ ու մեղմ ննջում է կարծես,  
Եկէք, ով մաքրիկ, լացէք սրտաբուղիս,  
Եւ տեսէք նորա թաղման սուրբ հանդէս:

Ա՛խ թէ կատարուէր իմ վերջին տենչանք—  
Այս հաւատարիմ կուրծքին վնք ընկած՝  
Ես ներշնչէի սեպհական իմ կեանք—  
Մահամերձ կեանքիս այս վերջին իմ կայծ:

Բայց պէտք է տոկամ, որ կեանքի կուռն  
Քիչ-քիչ կարենամ տանել ցաւ ու վիշտ.  
Խօսքը յիշում եմ. բայց, ան, չեմ լսում,  
Իէմքը չեմ տեսնում. բայց յիշում եմ միշտ:

XIX Այն ազնիւ սիրտը, որ էլ չի գարկում,  
Գոռ Դանուր գետը յանձնեց Սեվէրնին.  
Նորան թաղեցին կանաչ եզերքում,  
Ուր որ լսում է ալեաց մեղեդին:

Սերէրնը ծովի դառը ջրի հետ  
Շփում է օրը երկ-երկու անգամ—  
Լուռ է իսկոյն կարկաչող այդ գետ,  
Լուռ է նոյնպէս լեռ ու ձոր փարթամ:

Գետը չի շարժում, ննջում է կարծես,  
Եւ լուռ է որպէս իմ վիշտը անբաւ.

Արցունքը եւ ինձ խեղդում է այնպէս,  
Որ խօսք չեմ գտնում երգելու իմ ցաւ:

Ծովի հոսանքը դադար առնելիս՝  
Երգում է գետը դարձեալ անարգել.  
Եւ իմ ծով սրտից վիշտը ցրուելիս՝  
Սկսում է կրկին իմ երգը հնչել:

XX Փոքրագոյն վիշտը, որ խօսք չի գտնում՝  
Ազատ պատմելու իր ցաւ ու տրտունջ—  
Ծառայի պէս է՝ մի գերդաստանում,  
Ուր նորա տէրը պառկած է անշունչ:

Ծառան թափելիս արցունքներ աղի՝  
Թեթևանում է ցաւը անսահման,  
Ինքնին ասում է՝ «ճւր է կարելի  
Պատահել մէկին իմ տիրոջ նման»:

Ես էլ գտնում եմ երգի խօսքերից  
Մի մխիթարանք՝ թէկուզ վաղանցուկ.  
Բայց կայ եւ ուրիշ հոգեմաշ թախիծ  
Եւ սառուց կապած դառը արտասուք:

Ցրտաշունչ տան մէջ կրակի առջև  
Հեզ երեխաներ նստում են տրտում.  
Եւ երբ շնչում են նոքա հև ի հև  
Կազմում են մահու ստուերներ օդում:

Չըկայ այդ տանը ազատ ասուլիս,  
Տխուր է այդտեղ, կեանքը բացակայ.  
Նորա աթոռը թափուր տեսնելիս՝  
Ասում են՝ «Մեռաւ. ի՞նչ բարի էր նա»:

XXI Նորա տապանի թարմ ծղօտներից  
Մի քաղցրանուագ սրինգ շինեցի,  
Որ ես դուրս թափեմ իմ սրտի թախիծ,  
Ու ձօնեմ նորան երգ ու մեղեդի:

Եւ ճամբորդները լսելով իմ երգ՝  
Ասում են հպարտ ու խրոխտաբար—  
«Այս մարդը կանէ մեզ թոյլ ու պղերգ,  
Կը հալի մարդկանց սրտերը իսպառ»:

Ոմանք ասում են՝ «Թող տուէք դորան,  
Իր վիշտը կուզէ նա ի ցոյց հանել,  
Որ գովաբանեն ու ասեն իրան—  
«Տեսէք, սա զիտէ ցաւ ու վիշտ տանել»:

Իսկ ուրիշները ասում են խստիւ՝  
«Չուր է զբաղուել սեպհական ցաւով,  
Մինչդեռ ազգերը մղում են կռիւ,  
Մինչդեռ գահերը չեն իսկ ապահով»:

Ի՞նչ ժանանակ է հիմայ ողբալու,  
Մինչ գիտութիւնը հրաշք է գործում,  
Չգտում է դէպի աշխարհներ հեռու,  
Եւ զննում աստղեր կապոյտ երկնքում»:

—«Ի՞նչ էք յորջորջում, մարդիկ կարճատես,  
Երգելս է գալիս և պէտք է երգեմ.  
Հարցրէք սոխակից, թէ ինչո՞ւ այդպէս  
Երգում է անդու իր երգը վսեմ»:

—Մէկը ուրախ է, երգում է կայտառ,  
Իր ձագուկները թռան-գնացին,  
Միւսը՝ տխուր ու սրտապատառ,  
Գողացին-տարան իր փոքրիկներին»:

XXII Այն ճամբան, ուր մենք՝ երկուքս միասին,  
Անցանք-գնացինք, հարթ էր ու սիրուն.  
Չորս ողջ տարիներ եկան-գնացին  
Վարդից դէպի վարդ, ձիւնից դէպի ձիւն:

Երբ քաղում էինք ծաղիկ, վարդ ու ծիւ,  
Ուրախ երգերով իրար սիրտ տալիս,  
Գալիս-անցնում էր Ապրիլից Ապրիլ,  
Եւ հրճում մեր սիրտ Մայիսից Մայիս:

Հասաւ աշունը և այդ մեր ճամբան  
Հինգերորդ շրջան նոր պիտի սկսէր.  
Վառ էր մեր յոյսը, վարդ՝ մեր ապագան,  
Բայց մեր առաջը կտրեց մի ստուեր,

Որ մեզ իրարից անխընայ զատեց,  
Փոսեց քո վերայ մի սև վերարկու,

Եւ ծալքերի մէջ քեզ ամուր պատեց,  
Քո շրթունքները փակեց իրարու:

Քեզ այնտեղ տարաւ, ուր չէի կարող  
Գալ ու քեզ տեսնել կեանքիս ընթացքում.  
Ո՛հ, այդ ստուերը՝ որպէս մի չար գող,  
Անյայտ տեղ նստած՝ ինձ է սպասում:

XXIII Երբեմն լուռ ու մունջ իմ վշտերի մէջ,  
Երբեմն երգելու փափագով վառուած՝  
Մեն ու միայնակ քայլում եմ անվերջ  
Դէպի ստուերը մութ ու անպամած:

Քայլում եմ յուշիկ այնտեղ, ուր որ կայ  
Ամեն կրօնքի գաղտնի բանալին.  
Նայում եմ ետեւ, որտեղից եկայ,  
Եւ նայում նոյնպէս առջևիս ճամբին:

Եւ ասում՝ «առաջ մարգից հնչում էր  
Դաշտային աստծու քաղցրալուր մրմունջ.  
Ներկան գտնում են անցեալից տարբեր,  
Առաջ մի տերեւ չէր անշարժ ու մունջ:

Առաջ մղում էր <sup>1)</sup> մէկը միւսին,  
Եւ միտքը մտքին լինում էր խթան.  
Եւ մի հոգու հետ միւսի հոգին  
Անխօս դառնում էր սիրտ ու միաբան:

Ի՛նչ լաւ էր ճամբան, ի՛նչ սիրուն ու զով:  
Եւ ժամանակի վայելքը՝ անհուն.  
Շքեղ գարունը գաղտնի հմայքով  
Շարժում էր ստէպ մեր սիրտն ու արին:

Արկիւից յայտնուած խորհուրդ ու պատգամ,  
Որ երգում էին սէգ Արքադիայում,  
Հնչեցնում էինք եւ մենք յարածամ  
Հայրենի երկրի ծաղկաւէտ վայրում»:

XXIV Բայց իմ երջանիկ օրերը նախկին

<sup>1)</sup> Ամբողջ համարի մէջ յիշում է բարեկամի իր վերայ ունեցած ազդեցութիւնը:

Միշտ անամպ է՛ին և միշտ աննամն—  
Սևաթոյր ամպը վաղ-արշալուսին  
Ձէր գալիս-անցնում որպէս ուրուակնան:

Թէ ամեն ինչ լաւ ու բարի լինէր,  
Այստեղ կըզատնար կատարեալ գրախտ.  
Ազամի այգուց զրկուելէն իվեր՝  
Մարդը անհաշտ է և կեանքը դժբաղտ:

Արդեօք նոր վիշտը առիթ է տալիս՝  
Բարձր դասելու անցեալի բերկրանք.  
Արդեօք գտնում է վշտարեկ հոգիս՝  
Ուրախ անցեալից, անհուն սփոփանք:

Արդեօք անցեալը հեռուից հեռու  
Միշտ երևում է մարուր ու փայլուն—  
Ինչպէս մեր աչքին աստղը լուսատու  
Հեռուից թւում է անբիծ ու սիրուն:

XXV Մեր կեանքի ճամբան հարթ էր ու շիտակ:  
Ուր գնում էինք միատեղ առաջ,  
Թէպէտ՝ ինչպէս արդ, եւ այն ժամանակ  
Կուռ կրում էինք առօրեայ մեր խաչ:

Ես տանում էի բեռս անարգել  
Եւ ուրախ որպէս օդաչու թռչնիկ.  
Ես սիրում էի իմ խաչը կրել,  
Սէրը ինձ համար որպէս գորավիզ:

Բեռս չափազանց ծանրը լինելիս՝  
Սէրը պատրաստ էր խսկոյն օգնելու.  
Միւրոյ ընկերս կանգնած էր կողքիս,  
Ե՛լ ո՛չ մի կարիք չըկար յոգնելու:

XXVI Տխուր է հիմայ ճամբաս փշալից.  
Բայց մարդիկ ինչքան կուզեն թող խօսան,  
Ես ցոյց եմ տալու, թէ ժամանակից  
Չըպիտի սէրը յաղթուի յաւիտեան:

Եթէ այն աչքը, որ չարն ու բարին  
Կշռում է զգոյշ ու շրջահայեաց,

Եւ տեսնում նոյնպէս անտառի միջին  
Փտած ծառերը-կանաչով պատած,

Եթէ այն աչքը տեսնում է տներ,  
Թէն նորաշէն, բայց արդէն խախուտ—  
Բայց չէ նկատում ոչ անկեղծ մի սէր,  
Եւ ոչ էլ մի կեանք վեհ ու հանրօգուտ՝

Այն ժամ կուզէի ես վաղ-առաւօտ,  
Արփին իր լոյսը չըթափած աշխարհ՝  
Ըշտապել դէպի ստուերը աղօտ՝  
Այնտեղ ամօթից թագնուելու համար:

XXVII Ես չեմ նախանձում այն գերի մարդուն,  
Որ զուրկ է արգար ցասումից իսպառ,  
Ես չեմ նախանձում, երբ մի հէգ թռչուն  
Իր փակ վանդակից չէ թռչում անտառ:

Ես չեմ նախանձում այն բիրտ գազանին,  
Որ զժուր վատնում է անգին ժամանակ,  
Չունի զգացում և խիղճ բնաւին,  
Այլ գիշատելու մի անզուսպ փափագ:

Ոչ էլ այն մարդուն, որ, զոհ իրանից —  
Չունի ճշմարիտ ու վեհ ձգտումներ,  
Այլ բաց թողնելով ճամբան փշալից՝  
Վարում է մի կեանք ծոյլ ու անտարբեր:

—Բայց ինձ թոյլ տուէք ասել յայտնապէս,  
Թէ շատ աւելի լաւ է ու վայել՝  
Միրել մի անգամ ու լալ ինչպէս ես,  
Քան թէ բնաւին սիրած չըլինել:

XXVIII Մօտ է սուրբ օրը, <sup>1)</sup> Քրիստոսի ծնունդ  
Լուսինը ծածկո՞ւած, գիշերը անզօրր,  
Միայն հնչում է հեռուն թունդ իթունդ,  
Տօնի զանգակը դէպի սար ու ձոր:

Չորս ձայներ ահա չորս զատ գիւղերից  
Ճեղքում են օդը, սուլում ու անցնում.

<sup>1)</sup> Առաջին ծննդեան տօնը բարեկամի մահից յետոյ:

Բայց, ախ, չեն հնչում այնպէս բերկրալից  
Եւ այնպէս մաքուր որպէս անցեալում:

Եւ ամեն մի ձայն քամուց թե առած՝  
Թռչում է վերն սլաքի նման՝  
—«Կեանք ու հաճութիւն, սէր համատարած  
Եւ խաղաղութիւն հանուր մարդկութեան:»

Քնից զարթնեցի ես լալահառաչ,  
Ախ ի՞նչ կուզէի բնաւ չըզարթնել...  
Այս զանգի ձայնը լսելէս առաջ՝  
Ո՛հ թէ կտրատէր այս իմ կեանքի թել:

Բայց ինձ գրաւեց այդ մեղմ ղօղանջիւն,  
Առաջ դորանից հրճում էր հոգիս,  
Իսկ արդ, սուրբ գիշեր, կոչնակիդ հնչիւն  
Բերկրանքի տեղակ վիշտ է ինձ տալիս:

XXIX Միայն կըզտնենք սիրտ մաշող թախիծ,  
Որ կողմ էլ դարձնենք այսօր մեր երես—  
Մթթէ կարող է մէկը մեղանից  
Այս տան մէջ տօնել ծննդեան հանդէս:

Այս տօնին չըկայ թանկագին այն <sup>1)</sup> հիւր,  
Որ երգ էր ասում մեզ հետ բարձրագոյն—  
Նա էր մեր միակ ցնծութեան աղբիւր,  
Թէկուզ տօնը կայ, բայց, աւաղ, նա—ոչ:

Դուք զարդարում էք պատշաճ ու վայել  
Սուրբ ոստիկներով Աստուծոյ տաճար—  
Այդպէս ուզում էք Տիրոջ ծառայել,  
Պճնեցէք նոյնպէս մեր դոսն կամար:

Այս տան ծառայող ալեգարդ կանանց  
Հաճոյք է տալիս տօնը այս օրուան.  
Եկէք, պճնեցէք, մի՛ զրկէք նէրանց,  
Նէրանք էլ շուտով կիջնեն գերեզման:

XXX Դողդօշուն ձեռքով պատրաստում էինք  
Դալար դարնիներ սեղանի համար.

<sup>1)</sup> Մեռած բարեկամը:



Բայց ամպը գոռաց՝ ու մթնեց երկինք—  
Ծննդեան տօնը խանգարուեց իսպառ:

Հին դահլիճներում՝ շարուած թև իթև—  
Խաղ էինք անում. բայց լոկ—առերես.  
Ա՛ւաղ, թառել էր մեր գլխի վերև  
Մռայլ ստուերը մի սև ամպի պէս:

Մենք դադար առինք և մի փոթորիկ  
Յանկարծ դղրդեց ցրտաշունչ գետին,  
Եւ սարսափահար, անշարժ ու լռիկ  
Նստած՝ նայեցինք իրար երեսին:

Նորէն սիրտ առած՝ ազատ, անարգել  
Մէկ տեղ սկսեցինք երգել քաղցրալուր—  
Այդ երգը նա՛ էր գրել ու երգել,  
Բայց նա, որ չըկար, հնչում էր տխուր:

Երգը դադարեց, նորից շունչ առանք,  
Մեր սրտին տիրեց մի մեղմ զգացմունք.  
Ասացինք՝ «հանգիստ ննջում են <sup>1)</sup> նորանք»,  
Եւ լուռ թափեցինք աղէխարշ արցունք:

Կրկին երգեցինք իրար ասելով՝  
«էլ նորանց համար այնտեղ մահ չկայ.  
Նորանք վերեւից անփոփոխ սիրով  
Նայում են անշուշտ հիմայ մեզ վերայ:

Երկրի կեղտերից գտուած ու մաքուր՝  
Հոգին թռչում է ազատ գէպի վեր—  
Այդ անշէջ կայծը, սրբազան այդ հուր  
Բոցեր է սփռում եթերից եթեր»:

Բացուիր, ո՛վ սուրբ օր, առաւօտ սիրուն,  
Չարթիր, արևելք, փարատիր մեր ցաւ.  
Թո՛ղ ծագէ, ո՛վ հայր, այն լոյսը փայլուն,  
Որ ծագեց, երբ մեր Յոյսը ծնուեցաւ:

XXXI Երբ Ղազարոսը թողեց իր տապան,  
Դարձաւ իր տունը—Մարիամին կարօտ,

<sup>1)</sup> Երթուր Հալլամը ու իր նշանածը—երկուքն էլ մեռած:

«Ո՛ւղեցիր լսել», հարց արին նորան,  
Քո քրոջ լացը գերեզմանի մօտ:

—«Ո՛ւր էիր եղբայր, այս բառեակ օրեր»—  
Ո՛չ մի պատասխան չըկար այդ հարցին.  
Թէ մահը ի՞նչ է, եթէ նա պատմէր,  
Մարդիկ աւելի Տիրոջ կօրհնէին:

Եկան դրացիք՝ խեղճ ու վեժատուն,  
Յնծագին ձայներ լսուեցան այնտեղ.  
Կարծես գերագոյն մի ուրախութիւն  
Պատեց Ձիթենու գագաթը շքեղ:

«Տեսէք, Ղազարոս յարութիւն առաւ»—  
Գրուածքից այդ է միայն մեզ յայտնի.  
Սուրբ հեղինակը հիմք ունէր հարկաւ,  
Որ գրեց այդչափ և ո՛չ աւելի:

XXXII Մարիամ աղօթեց լուռ ու ոգիլից.  
Սա էր աղօթքի միակ առարկան,  
Թէ իր եղբայրը այնտեղ էր նորից.  
Այնտեղ էր եւ նա, որ յարոյց նորան:

Սէրը սրտի մէջ բորբոքեց ուժգին,  
Երբ իր հայեացքը լուրջ ու աներկբայ  
Յառեց իր եղբոր սիրավատ գէմքին,  
Ապա կանգ առաւ եւ կեանքի վերայ:

Այդ լի բերկրութիւն և անշէջ այդ սէր,  
Յրեցին իսպառ ահ ու տարակոյս,  
Թրջեց արցունքով Քրիստոսի ոտներ,  
Եւ իւզով օձեց գոհ ու լիայոյս:

Երբ ջերմ աղօթքով տոգորուի մի կեանք,  
Եւ սէրը աճի գերագոյն սիրով—  
Ի՞նչ մեծ բարիք է և ի՞նչ մեծ օրհնանք,  
Այդպէս մաքուր կեանք ո՛վ կունենայ, ո՛վ:

XXXIII Դու, որ հոգեյոյզ փոթորկից յետոյ,  
Քեզ մի ջինջ օգի հասած կըկարծես,  
Հաւատքով վեհանձ ու բարեբարոյ,  
Թէկուզ մերժում ես ամեն ձև ու ձէս—

Թող շտուր աղօթէ քոյրըդ անվրդով,  
Թող նէ յուսավառ ձգտէ դէպի վեր.  
Եւ մի պղտորիլ մութ ակնարկներով  
Նէրա պարզ կեանքը և ուրախ օրեր:

Ձեր հաւատքն ունի նման վեհութիւն,  
Նէ ունի եւ ծէս եւ կեանք օգտաւէտ.  
Թող օրհնեալ լինի այն մարմին, արիւն,  
Որ նէ կապում է մի խորհրդի հետ:

Դու հետևող ես բանականութեան,  
Խղճի օրհնքին՝ անկեղծ հպատակ,  
Բայց նայի՛ր, ընկնես մեղսալից ճամբան,  
Թէ չունիս այդպէս տիպ ու օրինակ:

XXXIV. Այս դասն են տալիս իմ մոայլ օրեր,  
Թէ կեանքը պէտք է անվախճան լինի,  
Թէ ոչ երկիրը կը լինէր աւեր,  
Եւ ինչ այնտեղ կայ—մոխիր ու փոշի:

Կանաչ դաշտերը, կամար լուսաշող  
Մեզ կը թըլային սին ու այլանդակ—  
Որպէս մի քերթուածք, որ մի խակ քերթող  
Գրել է անխիղճ ու աննրպատակ:

Ի՛նչ կլինէ՛ր Աստուած ինձպէսին համար,  
Եւ միթէ՞ կարժէր ինչ որ բան ընտրել,  
Ճիգ թնփել տոկուն, համբերել յօժար,  
Եւ այս սին կեանքից մի օգուտ փընտրել:

Է՛լ լաւ կը լինէր թոչունների պէս,  
Որ զոհ են գնում թովիչ վիշապին,  
Ընկնել զլիսիվայր և թաղուել անտես  
Խօլ խաւարի մէջ—անդունդը մի ին:

XXXV. Թէ վստահելի մի ձայն շնչէր  
Նեղ գերեզմանից և ասէր այսպէս՝  
«Փառւմ է մարմին, մաշուում են այտեր,  
Մեռնում է մարդը և կորչում անտես»

«Կասէի, ով սէր, քեզ համար պիտի  
Ես լինեմ զինուոր—միշտ կուռի պատրաստ,

Որ դու միշտ մնաս վառ ու կենդանի»:  
Եւ պիտի դառնամ ու լսեմ զգաստ

Ծով ու գետերի տխուր մեղեդին,  
Որոնք մերթ դանդաղ, մերթ արագաբար  
Փշրում են հին լեռն ու շինում կրկին  
Դորա փոշիով մի նորոգ աշխարհ:

Եւ սէրը կասէր հառաչ քաշելով՝  
«Այդ անխիղճ ծովի կոծ ու հեծեծանք  
Մեռցնում են իսպառ իմ խանդ ու կորով,  
Մահը տեսնելիս՝ մաշուում է իմ կեանք»:

—Անօգուտ խօսքեր և զո՛ւր վայնասուն:  
Թէ համարէինք մահը իբրև մահ,  
Սէրը չունենար պիտի գոյութիւն,  
Եւ ոչ էլ գործէր ազատ ու վստահ:

Կամ գոյութիւնը կը լինէր ունայն.  
Այժամարդի պէս բիրտ ու գարշաղէս,  
Որ միշտ լցնում է իր գէր որովայն,  
Եւ մէջքը դարձնում արեգակի դէմ:

XXXVI. Վեհ ճշմարտութեան սաղմը թէև կայ  
Մարդկային սրտում իբրև մի գաղտնիք,  
Բայց օրհնենք նորան, որ դորա վերայ  
Դրեց իր անջիջ դրոշմ ու կնիք:

Երբ ճշմարտութիւնն մութ էր ու օտար,  
Իմաստութիւնը եկաւ մեզ այցի—  
Ճշմարտութիւնը տգէտի համար  
Առակի ձևով եղաւ մատչելի:

Խօսքը շունչ առաւ և մարդկանց ձեռքով  
Մտեղծեց հաւատք և ազնիւ գործքեր.  
Ո՛չ մի պօէտի հանճար ու կորով  
Չեն այդպէս ազդու, վեհ ու շահաբեր:

Կարդալ այս խօսքը կարող է ղիւրաւ  
Ե՛ւ փոս փորողը եւ հէգ գիւղացին,  
Ե՛ւ որմնադիրը՝ ձեռքին քար ու կաւ  
Ե՛ւ ղեկ վարողը փոթորկի ժամին:

XXXVII

1) Ուրանիան սկսեց բարկացած խօսել—  
«Ի՞նչ ես բարբառնջում, փոքրիկ մեծախօս,  
Այս հաւատքն ունի բեզնից էլ աւել  
Մաքուր քանսնայ և ընտիր հերոս:

Վար իջիր գէպի ծանօթ առուներ,  
Եւ ման եկ դու քո՞ 2, Պարնասի վերայ,  
Թող քո սարգենին՝ սարալանջն ի վեր,  
Քնարեր օրօր քեզ համար կարգայ»:

Եւ 3) Մելպոմֆնէն, իմ աստուածուհին  
Պատասխան տուաւ հէզ ու գլխիկոր—  
«Արժան չէ խօսել ինձ նման մէկին  
Քո խորհուրդներից՝ մե՛ծ ու զօրմուր:

Ես մի երգիչ եմ՝ հողին հաւասար,  
Խիստ աննշան է իմ ձիրք ու արուեստ.  
Երգում եմ ցաւոտ սրտերի համար,  
Եւ մարդկանց սիրոյն տալիս եմ զովեստ:

Միտ էի բերում նորան, որ մեռաւ,  
Եւ յիշում նորա ջերմ խօսակցութիւն,  
Որ տալիս էր ինձ բերկրութիւն անբաւ—  
Որպէս սուրբ գինին մահամերձ մարդուն:

Իմ այս նեղ ճամբին կաթօտ էր հոգիս  
Սուրբ գրոց միջի մխիթարութեան.  
Ծոյլ ծառայ էի իմ վարդապետիս,  
Երգըս պղծում էր նորա սրբարան»:

XXXVIII

Քայլում եմ յոգնած ու թոյլ ոտքերով,  
Անձայր երկինքը մութ է ու մռայլ.  
Ոչինչ չի վառում իմ խանգ ու կորով:  
Հեռուն չեմ տեսնում ամպեր լուսափայլ:

Ո՛հ ի՞նչ տխուր է գարունը հիմայ,  
Գարնան երգերը չեն տալիս հրճուանք.  
Բայց այս իմ սիրած երգերի մէջ կայ  
Դո՛նէ ինձ համար փոքրիկ սփոփանք:

1) Ասողիքի Մուսան: 2) Յունաստանում մի լեռ, որ համարում էր մուսաների կացարանը: 3) Ողբերգութեան Մուսան:

Թէ ննջեցելոց հոգիքը ունին  
Այս երկրի համար գէթ փոքրիկ մի սէր.  
Անշուշտ անախորժ չէ՛ն քո ականջին  
Այս իմ քո անուան ձօնածըս երգեր:

XXXIX

Ո՛հ թէ կարէինք վեր նայել հիմայ  
Ա՛յն հոգիներին, որ թռան երկինք,  
Ինչպէս նայում ենք հարսնացուի վերայ,  
Որ ծաղիկ առած՝ պճնում է ինքզինք:

Եւ իր ծնողքի օրհնանքը առած՝  
Թողնում է ետև հայրական իր տուն,  
Թէկուզ աչերը թաց ու թխպամած,  
Քայց եւ սկսում է իր կեանքի գարուն:

Հայրը ուրախ է. բայց լուկ—առերես.  
Իսկ մօր այտերից արցունքն անբաժան...  
Եւ տալով նորանց համբոյր սիրակէզ  
Թեւակոխում է նէ մի նոր շրջան,

Ուր իր մանկիկին պիտի տայ սնունդ,  
Եւ կրթէ նորան ու գործէ յաւէտ—  
Նէրա պաշտօնն է, որ մի նոր սերունդ  
Կապէ ապագայ սերունդների հետ:

Քեզ էլ անկասկած մի կեանք արուեստաւ,  
Որ դարձնես անմահ ու միշտ օգտակար,  
Որ քո պաշտօնից չըյոգնես բնաւ,  
Կատարես գործքեր—երկնքին յարմար:

Բայց, անխ, տարբեր է մեր այն բաժանում...  
—Երբ ծնողները նորահարս դստրից  
Բարի և ուրախ լուր են ստանում,  
Ցրում են իսկոյն հոգսեր ու թախիծ:

Երբ ջանէլ մայրը՝ ինքնագոհ ու սէզ,  
Իր ծծկերի հետ գնում է հէրանց,  
Նէրա ծնողքը—առաջ վշտարեկ,  
Բայց հիմայ ի՞նչպէս հրճւում են սրտանց:

Բայց, անխ, մենք իրար էլ չենք տեսնելու,  
Մինչև ես կիջնեմ խոնաւ գերեզման.

Որ անյայտ երկրում բնակում ես դու,  
Իսկ իմ բաժինը—այս փշոտ ճամբան:

**XL** Մահիցըզ առաջ քո հոգին անրիժ  
Զգտում էր միշտ վեր ազատ ու կայտառ—  
Որպէս նուրբ նիւթը թանձր զանգուածից,  
Որպէս սեղանի հուրը մշտավառ:

Բայց, ախ, դու հիմայ անքննելի ես,  
է՛լ չեմ մասնակից քո վեհ գործքերին,  
Հեռու վայրերում՝ անյայտ ու անտես,  
Միշտ սաւառնում է հիմայ քո հոգին:

Ի՞նչ, ցնորք է սա.— բայց չէր կարելի,  
Որ ես զօրաւոր թեք ստացած՝  
Կեանք ու արեւից վեր սլանայի  
Դէպի քեզ, ով իմ ընկեր անմոռաց:

Մահը չէ տալիս ինձ այնքան մեծ վիշտ,  
Եւ չէ պատճառում սարսափ իմ հոգուն,  
Ո՛չ էլ անգունդը, ուր լսում են միշտ  
Զարագործ մարդկանց ճիչ ու վայնասուն:

Այլ երբ շատ անգամ կարմիր վերջալոյս  
Պատում է վայրը՝ ճահճոտ ու աւեր,  
Տիրում է սրտիս այս սև տարակոյս,  
Թէ, ախ, չեմ կարող լինել քեզ ընկեր:

Թէկուզ վեր ձգտեմ ու վննեմ անվերջ  
Քեզ շրջապատող հրաշք ու զարմանք,  
Դարձեալ ինձանից անհունութեան մէջ  
Առաջ ես ամբողջ մարդկային մի կեանք:

**XLI** Բայց թէ առաջ է ինձնից իմ ընկեր,  
Խիստ զգալի է սին սրտիս համար.  
Երբ բնակութեան մեր տեղը մէկ էր,  
Ինձ կարծում էի նորան հաւասար:

Ես հիմայ այստեղ, իսկ նա երկնքում,  
Բայց նա ինձ համար դարձեալ սիրելի-  
Իր հմուտ հոգին պիտի անդադրում  
Առաջնորդէ ինձ ազնիւ գործքերի:

Մէկը ունի սէր գիտութեամբ հանդերձ,  
Իսկ մի ուրիշը՝ առանց գիտութեան,  
Բայց երբ իրար հետ ապրեն սրտամերձ,  
Ճշմարտութեան մէջ միշտ առաջ կերթան:

**XLII** Թէ նինջ ու մահը ճիշտ մէկ լինէին,  
Եւ ինչպէս ծաղիկն իր կոկոնի մէջ  
Փակուած ննջում է իրիկուան պահին—  
Վերամբարձ հոգին քուն մտնէր անվերջ,

Թողո՞ղ ժամերից ազատ, անտարբեր,  
Եւ մարմնիցը ջոկ—կը վարէր իր կեանք,  
Կը պահէր իր մէջ անցեալի հետքեր—  
Ինչպէս ծաղիկը իր գոյն ու երանգ.

Եւ մարդուս համար չէր կորչել ոչինչ,  
Զի հոգիների խաղաղ պարտիզում՝  
Շատ ծաղկանց վերայ տպւում է անջինջ  
Արար-աշխարհը և այդպէս մնում:

Եւ նորա սէրը կը մնայ յստակ,  
Ինչպէս յստակ էր այս երկրի վերայ.  
Եւ հոգիների գարնան ժամանակ՝  
Նորա ջինջ հոգին նոյնպէս կարթնանայ:

**XLIII** Ի՞նչպէս է այնտեղ մեռելի վիճակ...  
Մինչ մարդը այստեղ ձգտում է միշտ վեր,  
Ա՛խ, միշտ յիշելու նա չէ ընդունակ,  
Նա մոռանում է իր անցեալ օրեր:

Զբացան օրեր, նոյնպէս՝ ձայն ու գոյն.  
Բայց բազմամթեր մեր մտքից գուցէ  
Մերթ ցայտէ մի կայծ դէպի մեզ թագուն,  
Եւ մենք չը գիտենք՝ դա որտեղից է:

Այս տարիներում միաձև, երկայն,  
(Թէ մահը խմեց \*) Լեռէյի ակից)  
Գուցէ քեզ հասնի մեղմ հնչիւն մի ձայն  
Այս երկրից, ով իմ ընկեր սրտակից,

\*) Ստորերկրեայ աշխարհի աղբիւրներից մէկն է, որի ջրից խմողը՝ ըստ հին գիցարանութեան, կը մոռանար անցեալը:

Թէ լսես ձայնը այդ մեղամարտոյ,  
է՛լ մի վարանիլ, նայիր դէպի վար —  
Դա հրեշտակս է, եկել է քեզ մօտ,  
Ինձանից լճեր է բերել քեզ համար:

XLIV Աշխարհ նոր մտած ծծկեր երեխան  
Ամուր սեղմում է իր ձորը կուրծքին.  
Նա դեռ չի հասել պարզ գիտակցութեան,  
Գաղափար չունի իր «ես» ի մասին:

Ինչքան աճում է՝ այնքան աւելի  
Ըզգում է իրան իբրև մի անհատ,  
Եւ հետզհետէ տեսնում է յայտնի՝  
Այլ էր իր «ես»-ը, այլ իր շրջապատ:

Իր մէջ զարթնում է եւ միտք եւ կորով,  
Առաջ է գալիս եւ յիշողութիւն.  
Եւ իր մարմնի մէջ իրան փակելով՝  
Դարձնում է «ես»-ը որոշ և ուրոյն:

Հէնց դորանով է մարմինն օգտաւէտ,  
Թէ ոչ էլ ի՞նչի կը ծառայէր դա.  
Երբ մարդը նորից ծնուի մահից յետ,  
Իր ինչ լինելը պիտի հասկանայ:

XLV Մերթ սուր փուշեր կան և մերթ ծաղիկներ  
Այն ճամբին, ուր մենք կանցնինք հև ի հև.  
Մընթաց ժամը գցում է ստուեր  
Այդ ճամբին, որ զուր չը նայենք ետև:

Բայց ոչ մի ստուեր չը պիտի լինի  
Գերեզմանից դէն — երկնքից ի վար,  
Այլ պիտի տեսնենք որոշ ու յայտնի  
Մեր վաղ-անցեալի հին \*) դաշտանկար:

Աչքներին առջև պիտի փողփողեն  
Մեր վարած կեանքը — սիրալիր ու հաշտ.  
Առատ օրերի հունձքը ոսկեղէն,  
Եւ մեր հնգամեայ ասպարէզ ու դաշտ:

Սէր անմահական, այս երկրի վերայ

\*) Landscape, Landschaft.

Նեղ էր քո տեղը և կարճ՝ քո ճամբան.  
Բայց նայիր, ով սէր, մի աստղ ահա  
Ի՞նչ փայլ է տալիս սահմանից սահման:

XLVI Թէ ամեն մի մարդ, որ ունի իր «ես»,  
Պէտք է պտոյտ տայ ու մաշուի անվերջ,  
Եւ ապա սուզուի՝ անհետ ու անտես,  
Հոգոյ աշխարհի անտակ ծովի մէջ —

Դա մի կարծիք է — դառնաշունչ ու սին:  
— Մեր անմահ հոգին՝ առանձին ու դատ,  
Պիտի ստանայ մի անեղծ մարմին,  
Եւ այդպէս դառնայ ուրոյն մի անհատ:

Ես այնտեղ նորան պիտի ճանաչեմ,  
Եւ հետը տօնեմ մի ուրախ հանդէս.  
Կայ այս անուրջից աւելի վսեմ,  
Որ դէպի սէրը մղէ մեզ այդպէս:

Նա, որ կը կուռէ իր մահից առաջ  
Արդեւքների դէմ միշտ արիարար,  
Մեռնելիս՝ կասէ աներկիւղ ու քաջ,  
«Մնացէք բարեաւ, կերթամ լոյս աշխարհ»:

XLVII Թէ վշտից ծնուած այս իմ երգերով  
Ծանր կասկածներ շրել ջանայի,  
Լըջամիտ մարդիկ երգըս լսելով՝  
Ինձ կը դարձնէին ծաղրի արժանի:

Կնճուտ հարցերից վաղուց փախս տուած՝  
Է՛լ չեմ ծառայում այդ նպատակին.  
Իսկ թէ ծագում է մի փոքրիկ կասկած,  
Դա էլ դարձնում եմ սիրոյ մուշ զերին:

Վիշտըս մղում է մերթ բանակիր,  
Բայց դուրս չէ գալիս չափ ու սահմանից,  
Նոյն իսկ ամօթ է և ոչ թէ պատիւ՝  
Փըքուն երգերով ցոյց տալ իմ թախիծ:

Ո՛չ մի թափ ու ոյժ չեմ տալիս երգիս,  
Այլ ճողողել եմ միայն փափագում —  
Որպէս մի ծիծառ, որ վեր թռչելիս՝

Արցունքի առուից խմում է մի կում:

XLVIII Գիտութիւն, արուեստ ու ողջ բնութիւն՝  
Թող ազգեն վերաս յար ու մշտակայ—  
Ինչպէս վերեկից լոյսը դողդոջուն  
Ցոլում է յուզուած ծովակի վերայ:

Թող մեղմ ալիքներ հոգոյս մէջ ծփան,  
Միտքս ստանայ ազատ թև ու թիւ.  
Թող հնչէ երգըս մեղմ սիւզի նման՝  
Եւ վհատ սրտիս ներշնչէ գրգիռ:

Ե՛կ, տես, ու անցիր, բայց մի անհամբեր  
Դատիլ այդ սիւզը, որ փշրում է մերթ  
Այդ լուկ—արտաքուստ փայլող ալիքներ,  
Եւ խաղում թեթև ստուերների հետ:

Այս անըջային յոյս ու վախի տակ,  
Աւանդ, թաղուած է թախիծ անսրատում  
Ուր որ հոսում է արցունքի վտակ՝  
Այնտեղ եւ կեանքը արմատ է բռնում:

XLIX Ո՛հ, կեցիր ինձ մօտ, երբ մութը պատի,  
Երբ իմ արիւնը չը հոսի-գնայ,  
Սիրտըս թուլանայ և շունչըս հատի,  
Կեանքիս անիւր կանգ առնի-մնայ:

Ո՛հ, կեցիր ինձ մօտ, երբ իմ խեղճ հոգին  
Հոգսից անզօր է, վիճակըս անել,  
Երբ ժամանակի համասփիւռ փոշին  
Եւ կեանքի բովը դեռ ինձ չեն յաղթել:

Ո՛հ, կեցիր ինձ մօտ, երբ ես յուսահատ  
Կորցնեմ հաւատքըս ու տխուր, տրտում  
Նայեմ ճանճերին, որոնք անընդհատ  
Երգում, խայթում են և ապա մեռնում:

Ո՛հ, կեցիր ինձ մօտ, երբ թմրի իմ թև,  
Սուրբս վար գցեմ կեանքի կոուրի մէջ  
Երբ յանկարծ մթնի իմ կեանքիս արև,  
Եւ մարին աչերս ու փակուին անվերջ:

L Ա՞րդեօք ցանկանանք, որ մեր սիրելիք

Յետ դառնան մեզ մօտ միւս աշխարհից.  
Բայց չէ՞ որ պիտի ամաչենք սաստիկ,  
Երբ տեսնեն մեր մէջ արատներ ու բիծ:

Նա՞, որ ինձ համար միշտ գովելի էր,  
Ինձ կշտամբելիս՝ լուում էի ես—  
Նա՞ գայ ու տե՛սն է իմ ծածուկ մեղքեր,  
Որ ինձ չը սիրէ էլ առաջուայ պէս:

Թող գերեզմանը ա՛ն չըտայ մարդուն,  
Սէրըն էլ առանց հաւատքի լինի՛.  
Վսեմ մահուան մէջ կայ իմաստութիւն,  
Ննջեցեալք թող ինձ քննեն մի առ մի:

Ո՛հ, կացէք ինձ մօտ լաւ ու վատ օրում,  
Դուք Աստուծոյ պէս—ոչ թէ մեզ նման,  
Փախչող ժամերը ուղիղ էք դատում,  
Որ ներող լինիք տկար մարդկութեան

LI Բեզ ինչպէս սիրեմ իմ ուզածիս չափ  
Ո՛չ դէմքդ եմ տեսնում, ո՛չ լսում քո ձայն...  
Իսկ իմ խօսքերը՝ յողզողդ ու անկապ,  
Եռացող մտքի փրփուր են միայն:

—«Բայց տխուր երգըդ մի դատիլ սխալ»,  
Սիրառատ հոգին պատասխան տուաւ,  
«Մեղք ու սխալըդ ինձ վնաս չեն տալ,  
Դու ինձ քո կողքից չես շարժիլ բնաւ:

Ինչո՞վ մի հոգի կապրի շարունակ  
Իր իղեալի մէջ քաջ ու անվրդով.  
—Մի՞թէ Սիրիայի ջինջ երկնքի տակ  
Անմեղ անցկացրած ձիգ տանրիներով:

Անմիտ աղջկայ պէս մի լար գլխիկոր՝  
Թէ մեղսալից է կեանքը վաղանցուկ.  
Դիմացիր, կը գայ եւ քո հունձքի օր,  
Երբ կոշտ կեղևից կը հանուի միջուկ»:

LII Ես շատ հայեր եմ տեսել իմ կեանքում,  
Ձահէլ հասակում թէև ցոփակեաց,  
Բայց հիմայ պարկեշտ մի կեանք են վարում՝

Ուրախ ու զուարթ թոռներով պատած:

Ինձ թըլում է՝ թէ չէ կարող ոչ ոք  
Միշտ հարթ կեանք վարել ու ապրել հանդարտ—  
Չը հերկուած դաշտը կըտանջ մեզ արդեօք  
Այն հունձքը, որից գէթ կապրի մի մարդ:

Միթէ՞ համոզուինք ու փաստ համարենք,  
Թէ խոպան կեանքից օգուտ կայ մէկին.  
Եւ ո՞վ կը ճանէ այդ տեսակ օրէնք  
Խեղճ մարդոց համար, որ հանգիստ չունին:

Բարին պիտի բռնիր, ու կշտիր դու բաջ,  
Որ Աստուածային օրէնքը ազատ  
Անշէջ դժոխքի իշխանի առաջ  
Պաշտօն չը վարէ որպէս կին կաւատ:

LIII Թող վստահ լինինք, թէ ամեն շար կիրք,  
Ահ ու տարակոյս ու վիշտ երկրային,  
Կամքի մեղքերը ու բուռն արհաւիրք  
Վերջը կը տանեն մեզ դէպի բարին:

Ոչինչ չի շարժում զո՛ւր, աննպատակ,  
Ոչ մի կեանք իզո՛ւր՝ որպէս ցնցոտի,  
Չը պիտի գցուի հող ու մոխրի տակ,  
Երբ Աստուած շէնքը ի կատար ածի:

Իզո՛ւր չեն որդը կոխոտում մարդիկ,  
Նոյն իսկ թիթեռը չի այրում իզուր,  
Այլ առանց բարեաց չը կայ մի շարիք—  
Եւ այդպէս վերջը բարի ու մաքուր:

Ոչինչ չը գիտենք, մութ է այս աշխարհ,  
Բայց մի յոյս ունիմ, մի վստահութիւն,  
Որ վերջ ի վերջոյ բոլորիս համար  
Չմեռից յետոյ պիտի գայ զարուն:

Բայց, անխ, ի՞նչ եմ ես—մի երազատես,  
Երկչոտի մէկը—խոր մթութեան մէջ,  
Կամ թէ անլեզու մի մանուկի պէս,  
Որ լոյս է ուզում ու գոռում անվերջ:

LIV Մարդ փափագում է, որ կեանքը մնայ  
Գերեզմանից դէն ողջ ու ապահով.  
Արդեօք դորանից յայտնի չէ թէ՛ Նա  
Ստեղծեց մարդը բուն իր պատկերով:

Մայր—բնութիւնը դէ՞մ է Արարչին,  
Որ մեզ խաբում է այսպէս չարաչար—  
Ասես անփոյթ է մի կեանքի մասին,  
Իսկ «տեսակներին» կարծես—հոգատար:

Եւ երբ քննում եմ հետաքրքրալից  
Այդ մայր—բնութեան գործքը ու զաղտնիք,  
Տեսնում եմ՝ ինչպէս յիսուն հատիկից  
Ծլում, աճում է միայն մի հատիկ:

Ես կանգնած էի անսայթաք ու բաջ.  
Բայց, անխ, վայր ընկայ խոնջ ու կարեւիք  
Աշխարհիս բեմի սանդուղի առաջ,  
Որ մութ վայրերով տանում է մեզ վեր:

Մերթ թերահաւատ մի մարդի նման  
Ժողում եմ բուռն աւագ ու փոշի,  
Եւ մերթ վերջապէս կանչում եմ նորան,  
Որ թըլում է ինձ՝ տէր ամեն բանի:

LV Ինչ, «տեսակները» աճում են միթէ—  
Ո՛չ, բնութիւնը ձորէն ու սարէն  
Գոչում է, գոռում, «ինձ ոչինչ փոյթ չէ,  
Բիւր—բիւր տեսակներ, կորել են արդէն»:

Եւ բնութիւնը ասում է կարծես,  
«Մարդ, ո՞վ ես, որ դու զանգատուիս ինձ դէմ,  
Ես եմ կեանք տալիս, մահ բերում նոյնպէս,  
Հոգիդ մի շունչ է. այլ բան չըզիտեմ»:

Ի՞նչ, ո՞վ, միթէ նա—մարդը պերճախօս,  
Դէմքը զեղեցիկ, աչերը՝ խոհուն,  
Նա, որ ցուրտ երկրում երգում է սաղմոս,  
Եւ սիրտը շինում սին աղօթքի տուն,

Նա, որ վստահ է, թէ սէր է Աստուած,  
Եւ սէր է երկրի հիմքը անսասան,

Ի՞նչ, բնութիւնը հեզնօրէն կանգնած՝  
Սրէ՛ նորա գէժ ժանիք ու ճիւրան.

Նա՛, որ տանջուում է միշտ սիրոյ համար,  
Եւ ճշմարտութեան զինւոր է արի—  
Նա պիտի լինի հողին հաւասար,  
Երկաթէ լեռան ծոցի մէջ թաղուի:

Նա ոչինչ չըրեմն, աննուագ մի ձայն,  
Մի դատարկ երազ, հրէ՛ զիշակեր...  
Կամ միթէ՛ մարդին համարենք միայն  
Տղմի մէջ պառկող վիշապի ընկեր:

Ո՛հ, խօսէ՛ ձայն տուր, գէթ մի խրախոյս,  
Կեանքը անհիմն է, մի պատկեր անձե՛ւ.  
Նա չո՛ւնի ուրեմն ապագայ և յոյս  
Սև քօղի ետև, սև քօղի ետև:

LVI Թ՛նդ գերեզմանը, բարեկամ, ու եկ,  
Շատ երկրային են քո տխուր երգեր.  
Եկ, ու մի ողբալ այդպէս վշտաբեկ,  
Ցաւ կտաս նորումն, որ սիրելիդ էր:

Ի՞նչ գունատ ես դու, եկ, գնանք ի բաց,  
—Գնամ էլ սիրտըս աստ մնայ պիտի.  
Նորա գիակը լաւ է ամփոփուած,  
Այստեղ մնալըս էլ օգուտ չունի:

Բայց ես լսում եմ ամեն ժամանակ  
Մահգոյժ զանգակի ձայնը վշտանար՝  
Թէ անհետացաւ մի քաղցրիկ էակ,  
Որի նմանը չի տեսել աշխարհ:

Այո, լսում եմ հրաժեշտի այդ ձայն,  
Որտեղ էլ լինիմ - միայն այդ հնչիւն...  
Իսկ \*՝ «Աւէ—Աւէ»-ն այս ասաց միայն՝  
Յը նոր տեսութիւն, ցը նոր տեսութիւն:

LVII Տխուր խօսքերով հըրաժեշտ տուի,  
Չայնըս հնչում էր տխրութեամբ անվերջ—

\*՝ Կաթսիկ եկեղեցու ժամերգութիւնիցն է առնուած, որ նշանակում է «ողջ, բարեաւ կամ յաջողակ մնաս»:

Ինչպէս հնչում են խուլ ու ահեղի  
Ծոր-ծոր կաթիլներն դամբարանի մէջ:

Եւ իզուր տեղից այս իմ վայնասուն  
Հանգիստ չէր տալիս անհոգ ամբոխին,  
Որ միայն ունի կէս-գիտակցութիւն  
Մութ գերեզմանի ու մահուան մասին:

Վե՛հ Մուսան ասաց՝ քո լացով ինչո՞ւ  
Միամիտ մարդկանց ցնցում ես այդպէս,  
Մի քիչ համբերիր, կաց ինձ մօտ, և դու  
Աւելի ազնիւ հըրաժեշտ կառնես:

LVIII Կուզես դու, ով վիշտ, կենակցել ինձ հետ—  
Իբրև կողակից, ոչ թէ հարճի պէս,  
Որ լինիս կեանքիս պահապան ու դէտ,  
Եւ իմ կարիքը ճշտիւ կատարես:

Կուզես զգուել ինձ նոր հարսի նման,  
Եւ մեղմել այս իմ հրատապ արիւն,  
Չընայեն վերաս միշտ այդպէս դաժան,  
Թէ կուզես լինիմ հեզ ու իմաստուն:

Իմ բունն եռանդը չը խամրէ պիտի,  
Այլ վառ կը մնայ ամեն ժամանակ.  
Միայն թէ կուզեմ մի ընկերուհի  
Մերթ գար ու խաղար հետըս միայնակ:

Ո՛վ վիշտ, անբաժան կապրենք միասին,  
Քեզ կը դարդարեմ յուսոյ վարդերով,  
Ես քո անունը չեմ յայտնիլ մէկին,  
Քեզ չի՛ ճանաչիլ աշխարհուս ոչ ով:

LIX Մեռաւ այն անձը—ամենից ազնիւ,  
Որին սիրել եմ ու սիրում եմ դեռ  
Մի խեղճ աղջկայ պէս, որ ամբողջ սրտիւ  
Սիրում է մէկին՝ ծագումով շատ վեր:

Փեսան մեծագարմ, շրջանը ազդու,  
Աղջիկը աղքատ, գլուխը միշտ կոր.  
Նէ նախանձոտ է, չը գիտէ ինչո՞ւ,  
Իրան զգում է բոլորից ստոր:



Անսիրտ զրացիք մինչև իրիկուն  
Գալիս—գնում են և հեգնում իրան.  
Մթնումն ողբումէ՛ «ես խեղճ ու նկուն,  
Նա ինչպէս սիրէ ինձ պէս աղջըկանս:»

LX Թէ սաւառնումէ վերին աշխարհքում  
Երկրային բեռից փրկուած քո հոգին,  
Թէ պըտըտումես իմաստնոց շարքում,  
Որոնք մարդկութեան ծաղիկներն էին,  
Թէ դու վերևից նայումես վերաս,  
Եւ տեսնում ինչպէս խեղճ եմ ու վնաս—  
Որպէս մի գաճաճ կամ մի բոյս տնաս՝  
Ցուրտ ու խաւարից թոշնած ու գունատ—

Խոյս մի՛ տայ, նայիր դէպի մեր երկիր,  
Ուր դու ծնուեցար, կայիր մի անգամ—  
Ինձ չափ ոչ մի անձ—նոյն իսկ Շէքսպիր  
Չէ կարող սիրել քեզ, ով բարեկամ:

LXI Բայց եթէ մի աչք թաց ու տխըալի,  
Կարող է վերագ անախորժ ազդել,  
Թող այն ժամանակ սէրըս դադարի՝  
Իբրև մի սուտ վէպ ու հին առասպել:

Դու ինձ թուումես այն մարդու նման,  
Որ երբ տղայ էր, գէթ՝ զիջողաբար  
Սիրումէր մի սիրտ՝ ցած ու անարժան.  
Բայց յետոյ թուաւ մի ուրիշ աշխարհ,

Ուր գտաւ մէկին իրան դասակից,  
Մինչդեռ մեռնումէ իր սէրը նախկին.  
Բայց իր լուսավառ ու ծով—աչերից  
Կը սահի հիմայ ժպիտ երկնային:

LXII Թէ գութ ունենանք դէպի յոգնած ձին—  
Եւ դէպի շունը՝ մեր տան յարկի տակ,  
Դա բեռ չի լինիլ երբէք մեր սրտին,  
Եւ չի խանգարիլ մեր վեհ նպատակ:

Չ՞է որ դորանցից աւելի եմ ես,  
(Թէկուզ ինձանից դու էլ աւելի)

Բայց դարձեալ դորանց գգուումիմ այնպէս,  
Որ իրանց ցաւը շատ խիստ չը լինի:

Ա՛խ թէ դու այդպէս վարուէիր ինձ հետ,  
Սրբէիր երբեմն իմ աղի արցունք—  
Դու, որ երկնքում շարժումես յաւէտ  
Խորքերից խորքեր, բարձունքից բարձունք:

LXIII Նայում ես դու յետ հետու անցեալին—  
Ինչպէս գերագոյն հանճարեղ մի մարդ,  
Որ մի ժամանակ որպէս գիւղացին  
Դաշտ էր դուրս գալիս և հերկում իր արտ:

Բայց ստոր ծագման ցանկը պատուելով՝  
Քաջասիրտ ճանկեց քղանցը բաղդի.  
Եւ կուրծքը ցցած դէպի բուք ու ծով՝  
Իր շար աստղի դէմ մաքտոնց արի:

Եւ դարձաւ մի մարդ հմուտ ու զգօն,  
Եղաւ պետութեան զօրաւոր գործիք.  
Ստեղծեց նոր կարգ, օրէնք ու կանոն,  
Եւ դարձաւ գահին դէտ ու զօրաւիգ:

Իվեր ու իվեր ձգտեց անդադար,  
Եւ կեանքի կուում առաւ մրցանակ.  
Դարձաւ իր ազգի սիւն ու ղեկավար,  
Եւ ողջ աշխարհի տիպ ու օրինակ:

Բայց հիմայ նստած լուռ ու կիսաքուն,  
Գործնական կեանքի կոխներից զերծ՝  
Դիտումէ խան՝գոտ քաղցրախօս առուն  
Եւ ընդ լեռը ձիգ ու բարձրաբերձ,

Ուր մի ժամանակ գնումէր յաճախ  
Իր հասակակից գիւղի տղոց հետ—  
Այնտեղ սարքելու ձևի—զօրախաղ՝  
Նորանք իբրև զօրք, ինքը—զօրապետ:

Եւ այդ խաղի մէջ կայի ես նոյնպէս,  
Որ դեռ հնձում եմ իր ցանած արտեր.  
Եւ լուռ ինքըս ինձ մերթ հարցնում եմ ես՝  
«Յիշումէ նա ինձ—նա՛ իմ հին ընկեր:

LXIV «Մէրը անմահ է, սէրը թանկագին,  
 Ոչինչ սէրիցը չըպիտի կորչի» -  
 Այսպէս երգեցի, երբ ինձ պատեցին  
 Բուք ու փոթորիկ, հողմեր կատաղի:

Եւ այդպէս պիտի անվնաս երգեմ,  
 Մինչև փարատի կասկածի սև ամպ,  
 Որ իմ խոհերը՝ վառ ու երկնաճեմ,  
 Թոչեւ կարենան լի վստահութեամբ:

Քեզ հետ բարեկամ դառնալէս ի վեր՝  
 Մէրըդ եղել է ինձ թե ու թիկունք,  
 Թող նոյնպէս քո մէջ սերմանած իմ սէր  
 Աճէ ու մղի քեզ դէպի բարձունք:

LXV Դուք դարմանումէք, որ այսպէս ունայն  
 Ես աշխատումեմ ցրուել իմ թախիժ.  
 Դուք ինձ կարծումէք այն մարդու նման,  
 Որ ախորժումէ մի չնչին բանից:

Այն մութ ստուերը, որ պատեց իմ անձ,  
 Եւ սիրտըս դարձրեց անապատ կարծես,  
 Ինձ խրատ տուաւ, որ սիրեմ մարդկանց՝  
 Աչքերի լոյսից զրկուած մարդու պէս,

Որին թե իթե տանումեն փողոց,  
 Որ կատակումէ ուրախ շրջանում,  
 Առնումէ գիրկը փոքրիկ տղայոց,  
 Եւ նորանց հերքը ձեռքին փաթաթում,

Որ երազումէ երկնքի մասին,  
 Եւ մեղմ օրօրում բազկաթոռի մէջ.  
 Թէկուզ խաւարը պատել է խեղճին,  
 Բայց ներքին լոյսը մնումէ անշէջ:

LXVI Երբ մահիճս ի վեր փայլումէ լուսինն,  
 Գիտեմ, որ նոյնպէս տապանըդ ի վար  
 Արևմուտքումը—հեռու ծովափին,  
 Իջնումէ մի շող ջինջ ու լուսավառ:

Փայլում է եւ քո մարմարէ շիրիմ,  
 Երբ փորագրուած տառերի միջով

Սողումէ շողը՝ գաղտուկ և ուշիմ—  
 Մահ ու ծնունդիդ թիւը ցոյց տալով:

Անցնում-գնումէ այդ շողը, այդ հուր,  
 Թէքուով լուսինն եւ իմ անկողնից.  
 Յոգնած աչերըս փակուած են ամուր,  
 Մինչև արեւ ծագումէ նորից:

Գիտեմ՝ արեւ կը սփռէ իր շող  
 Ծովափից ծովափ վաղ— առաւօտեան,  
 Եւ մութ տաճարում նոյնպէս քո կոթող  
 Պիտի փալփլէ որպէս ուրուական:

LXVII Քունը, որ կախեց գլուխըս բարձին,  
 Թէկուզ մահուան հետ երկւորեակ եղբայր,  
 Բայց չէ ճանաչում մահը բնաւին—  
 Ես էլ չեմ կարծում, թէ դու մահացար:

Քեզ հետ քայլումեմ քնիս մէջ լիկ  
 Յողապատ ճամբով դէպի սար ու ձոր՝  
 Ճիշտ ինչպէս առաջ. և այգեան հովիկ  
 Աւետումէ մեզ մի պայծառ նոր օր:

Բայց, անխ, ինչ է սա—տեսնումեմ, որ դու  
 Սոր թախիժ ունիս քո հեզ աչերում,  
 Տխրեցի եւ ես, չը գիտեմ ինչո՞ւ,  
 Եւ իմ երազը ոչինչ չէ պարզում:

Բայց դեռ արտոյտը դաշտը չը թողած՝  
 Վեր թռայ քնից, հարցը պարզուեցաւ—  
 Չար ու անհեթեթ ըունըս անկասկած  
 Հաղորդել էր քեզ հնօրեայ իմ ցաւ:

LXVIII Կարծեցի՝ չի գալ գարունը նորից,  
 Կորցրեց բնութիւնն վաղեմի իր ոյժ,  
 Դուքսը փողոցում՝ ցուրտ ու ծխալից,  
 Բարբանջում էին մարդիկ խուժաղուժ:

Փախայ անտառը խիտ ու փշալի,  
 Այդ աղմկալից փողոցէն հեռու,  
 Այնտեղ ճակատիս փշեր կապեցի՝  
 Իբրև թէ պսակ մի քաղաքացու:

Տղայ ու մանուկ և ծեր միասին  
Ելան իմ դէմը ծաղր ու ծանակով,  
Դուրսը շուկայում իրար ձայն տուին՝  
«Տեսէք մի անմիտ փշէ պսակով»:

Գորգոտում էին՝ «այ քեզ մի խելառ»...  
Մութ էր. վար իջաւ մի լոյս հրեշտակ—  
Չայնը մեղմ հնչիւն, աչերը՝ պայծառ,  
Եւ ժպտաց անուշ, երբ տեսաւ իմ թագ:

Նա ձեռքը մեկնեց ու իմ այդ փշեր  
Փոխեց տերեխ հէնց նոյն վայրկեանում.  
Թէկուզ իր ձայնը տխրառիթ ձայն չէր,  
Բայց իր խօսքերը չէի հասկանում:

LXIX Թէ և նայումեմ վերագ աչալուրջ.  
Բայց պարզ չեմ տեսնում երեսիդ գծեր.  
Պարապ դիմակներ խոնուումեն քո շուրջ,  
Դէմքիդ թառել է անթափանց ստուեր:

—Բրգաձև մի ամպ, վհուկի տան պէս...  
Մի վի՛հ, որ բացուում, փակուումէ անվերջ.  
Վերուղղեալ մի ձեռք և գունատ երես՝  
Մտքի աշխարհի մութ անցքերի մէջ:

Կնճոտ դէմքերով խոնուած մի ամբոխ  
Ճեղքում—անցնումէ բացուած դռներից.  
Տեսնումեմ նոյնպէս՝ մարդիկ սրտաղոզ  
Անասման եզրին նստած կից առկից:

Յանկարծ կուրծքիս մէջ հնչեց ակամայ  
Դիւթիչ մի նուագ մեղմ ել և էջով,  
Եւ մխիթարիչ քո դէմքը տեսայ  
Հոգոյս վանդակի ճաղերի միջով:

LXX Ով բուն, ցեղակից խուլթեան, մահու,  
Եւ նման՝ մտքի յափշտակութեան.  
Ներկան անցեալի փոխարկեցիր դու,  
Երբ շրջումէինք բարեխառն Գաղղիան:

Այդ էր սպասում հոգին քեզանից,  
Տնւր եռապատիկ քնարեր զեղրանք,

Թմրեցրո՛ւ վիշտըս կոյր ու ժահրալից,  
Որ ես ունենամ լիուլի հրճուանք

Թող զրոյց անենք ինչպէս անցեալում  
Մարդու գոյութեան և մտքի մասին,  
Տեսնենք՝ ինչպէս են օրերը փոխում,  
Եւ անցեալի պէս շրջենք միասին:

Այն անտառապատ գետակի ափով—  
Լեռներից լեռներ, ամրոցից ամրոց,  
Տեսնենք ջրվէժներ անագին թափով,  
Եւ լսենք ալեաց աղմուկ ու գոոց:

<sup>1)</sup> LXXI Խաւարից ծնուած դու սև առաւուտ,  
Էլի ես ծագում ու ոռնում կրկին,  
Դուռ ու ապակին բաղխում ես կրքոտ,  
Ուժգին հարուածով խորտակում սօսին:

Դու ծանր բեռով, վշտով անպատում  
Սեղմեցիր մէջքըս, ճնշեցիր իմ լանջ.  
Դու թոյն ծածկեցիր վարդի կոկոնում,  
Մարեցիր իսպառ արևի ճաճանջ:

Տխուր ժամերի կարնպետ ես դու,  
Առատ արցունքիդ կաթիլների տակ  
Վարդը ծեծում է, դու օր անարկու,  
Եւ անից փակում իր կարմիր բաժակ:

Դու բարձրանում ես արևելքն ի վեր,  
Եւ փչում այգեան հովը զովարար,  
Դու ծաւալում ես թրթռուն ստուեր  
Լեռների լանջին, բայց, ախ, ինձ համար

Յը մնաս նոյնը—դաժան ու խոճով...  
Սեւ օր, այն դագիր յանցանքը ունիս,  
Որ ժամանակի մահառիթ նետով  
Վար տապալեցիր իմ բարեկամիս:

Մռայլ օր, դէ՛հ, տար գործըդ մինչև վերջ

<sup>1)</sup> Բարեկամի մահուան († 1833 Սեպ. 15-ին) առաջին տարեգարձի  
առթիւ գրուած:

Սև ամպով ծածկիր վաղորդեան աստղիկ-  
Ցրուիր դէս ու դէն, սփռիր օդի մէջ  
Անքաղ պտուղներ և դալար ոստիկ:

Բարձրացիր՝ մինչև քո մռայլ <sup>1)</sup> դէնիտ  
Գոռ ու գոչումով, չարագոյժ դու օր,  
Գնա ու հասիր քո նպատակիդ,  
Բայց չարութիւնըդ թագցրու դու խոր:

LXXII Ի՞նչ լաջն ասպարէզ, ինչ շատ աշխարհներ,  
Դեռ շատ գործ ունին մարդիկ անխտիր-  
Դու գորեղ էիր ու ճշմարտասէր,  
Ով գիտէ ինչի սահմանուած էիր:

Վերադ ունէի յոյսեր վարդագոյն,  
Աւանդ, զրկուեցար դաբնէ պսակից,  
Բայց չեմ անիծում մահ ու բնութիւն,  
Ո՞վ պիտի խոյս տայ օրէնքի տակից:

Մարդիկ զնումեն այն մռայլ ճամբով,  
Որ խոտ ու սէզով շատ շուտ է ծածկուում.  
Աստուծուն միայն յայտնի է, թէ ո՞վ  
Ինչ գործ կատարեց հեռու անցեալում:

Կորչի համբաւը — դա սուտ է ու սին,  
Բայց թող դարգանայ այն ոյժ ու հանճար,  
Եւ յաւէտ ապրէ այն գորեղ հոգին,  
Որ մերթ վատնումէ կեղծ փառքի համար:

LXXIII Երբ մարդ նայումէ միշտ ակնկառոյց  
Մի մեռած մարդու սրտառուչ դէմքին,  
Տեսնումէ այն՝ ինչ չի տեսել վաղուց,  
Թէ նա նման է իր տոհմից մէկին:

Հիմայ, սիրելիս, ցուրտ են քո այտեր,  
Բայց քեզ ծանօթ եմ, գիտեմ՝ դու ինչ ես—  
Այժմեան իմաստնոց հաւասար ընկեր,  
Եւ քո հանճարեղ նախնիքներդ պէս:

Բայց ես ամեն ինչ չեմ կարող տեսնել,

<sup>1)</sup> Փոխ. գազաթնակէտ:

Իսկ իմ տեսածը չը պիտի պատմեմ.  
Մահուան մանգաղը կտրեց կեանքիդ թել,  
Բայց դէմքըդ դարձրեց սիրուն ու վսեմ:

LXXIV Երգըս չի ճառում քո գովք ու ներբող,  
Թէկուզ կը մեղմէր իմ կակիծ ու սուգ,  
Թողնումեմ վշտիս համաչափ եղող  
Քո մեծութիւնը—իբրև հանելուկ:

Ու՞ր է այն պօէտ այնքան շատ ճարտար,  
Որ իր խօսքերով ամեն ինչ պարզէր.  
Ու՞ր է այն երգիչ, որ կարողանար  
Քաղցրալուր երգով ցոյց տալ քո պատկեր:

Չեմ ուզում եւ ես այս սահուն կեանքում  
Չայնեմ հնչեցնել, որ չեն մնայուն,  
Այլ լուկ քամու պէս փոշի են շարժում,  
Ո՞ւր մնաց՝ գովեն քեզ ըստ արժանոյն:

Վաղաժամ թօշնեց դարնիդ ծաղկեթել,  
Իսկ մարդկանց համար այս երկրում երբէք  
Գին չունի այն՝ ինչ կարող էլ լինել,  
Այլ ինչ եղած է—դա ունի արժէք:

Ո՞վ պիտի այստեղ քեզ զնահատի,  
Բայց այնտեղ, որ մարդ չի տեսել բնաւ,  
Ինչ որ կատարես, հոշակեն պիտի,  
Եւ բարձրահնչիւն պատմեն քո համբաւ:

LXXV Թե առ խանդավառ, սլացիր իրաց,  
Մի վարկեան դարձրու դէմքըդ դէպի վեր,  
Ուր սուր ասեղի ծայրերից կազմուած  
Մի վառուղ ծով է աստղազարդ եթեր:

Դարցրու հալեացքըդ դէպի ապագան—  
Անդունդից անդունդ համարձակ ու քաջ,  
Բայց, մի, լուումէ երգըդ յաւիտեան՝  
Գեղձը փտելուց աւելի առաջ:

Բնութեան երգեր վաղ արշալուսին  
Հեռու են վանում գիշերուան խաւար.  
Կազմին չը հասած իր կեանքի կէսին՝

Քո երգը արդէն առնումէ դադար:

Կաղնին միշտ կանաչ— գէթ յիսուն դարուն,  
Բայց, ո՛հ, քո երգը ինչքան կարճատև...  
Միթ՞է կը լսուի քո երգի հնչիւն,  
Երբ կաղնուց մնան լոկ ճախ ու կեղև:

LXXXVI Ներկայիս երգից ինչ յոյս ունենայ  
Սա, որ խորհումէ լուրջ ու ակնդէտ  
Մեր երգի մասին, մեր կեանքի վերայ,  
Եւ գիտէ պիտի չքանան անհետ:

Այս գրքոյկը՝ լի տխուր երգերով,  
Լոկ կազմի համար գուցէ պէտք լինի:  
Գուցէ մի աղջիկ դորա թերթերով  
Ուրբի մազը ու խոպոպ շինի,

Կամ գորան գտնեն հին զամբիւղի մէջ  
Շատ դարերից յետ, և կարդան գուցէ  
Վաղուց մոռացուած հին սիրոյ մի էջ,  
Որի գրողը նոյն խակ յայտնի չէ:

Բայց փոյթ չէ, ես՝ իմ ճամբին փշալից,  
Պիտի նուագեմ ու երգեմ քնքոյշ—  
Կորուստ պատմելը լաւ է սին փառքից,  
Եւ սէր շեշտելը՝ համբաւից անուշ:

LXXXVI Մենք հիւսում էինք <sup>1)</sup> ծննդեան տօնին  
Նորից միատեղ ծաղիկներ ու վարդ,  
Զիւնը ծածկել էր լեռներ ու գետին,  
Իրիկունն անցաւ մեզմիկ ու հանդարտ:

Եւ տօնածառը փայլումէր այդ տան,  
Քամի չէր շարժում դաշտերի վերայ,  
Բայց յիշեցնումէր ինձ ամեն մի բան,  
Թէ իմ սիրելիս թռաւ, էլ չըկայ:

Պար էինք զալիս, կայթում վար ու վեր,  
Եւ երգում ուրախ՝ ինչպէս անցեալում,  
Տոյց տալիս իրար սիրուն նկարներ,

<sup>1)</sup> Այս ծննդեան տօնին իր բարեկամի մահից երկու տարի էր անցել:

Եւ աչքակապուկ ու գնտակ խաղում:

Այս տօնին չը կար ո՛չ վիշտ, ո՛չ սարսափ,  
Ո՛չ մի արտասուք, ո՛չ նշան սուգի—  
Կարող է վիշտը քիչանալ այնչափ,  
Որ ոչնչից էլ դեռ պակաս լինի՞:

Ինչ, կարելի՞ է չքանայ մեր վիշտ...  
—Ո՛չ, չըկայ մի բան դորա պէս յամառ,  
Դա այրումէ մեզ, տոչորումէ միշտ,  
Մինչ մեր աչերը ցամքում են իսպառ:

LXXXVIII «Իմ եղբայրներից դու աւելի ես»—  
Այս խօսքից դու մի խոռվիլ, ընկեր,  
Գիտեմ քո հոգին վսեմ է այնպէս,  
Որ քեզ վայել է բարձրագոյն մի սէր:

Սակայն դու և ես մէկ ենք ծագումով,  
Նոյն գրոշմն ունինք մայր—բնութիւնից.  
Եւ դաշտ ու անտառ, լեռ, հովիտ ու ծով  
Մեր մէջ թողել են նոյն հետքեր ու գիծ:

Եւ նոյն աղբիւրն էր, որ մեր երկուսին  
Իր մրմունջներով հրճուանք էր տալիս.  
Եւ նոյն զեփիւռն էր, որ վերջալուսին  
Մեզ հետ անումէր ուրախ ասուլիս:

Յաճախումէինք և մի դասարան,  
Եւ մէկ տեղ ծծում մայր—երկրի ստինք.  
Դեռ մեր սև ու շէկ հերքը մանկական

\*) Մէկ գոյն չը ստացած՝ մենք բաժանուցինք:

Ինչ ես՝ ունէի՝ ունէիր դու էլ,  
Թէև ես՝ աղքատ, դու՝ հարուստ—բայց հեզ.  
Միշտ պատրաստ էիր իղձըս կատարել,  
Անմասն ձիրքըդ քաշումէր ինձ քեզ:

LXXXIX Ստէպ ծագումէ իմ մէջ սին փափագ—  
Ա՛խ թէ մեռնէի Արթուրից առաջ.  
Եւ ամփոփուէին խոնաւ հոգի տակ  
Այս իմ աչերը՝ արցունք չը թափած:

\*) Այսինքն չը ձերացած, մաղիրը չը ճերմակած:

Ինձ թուումէ՛ թէ Արթուրիս համար  
Մեր բաժանումը կը լինէր—աղէտ.  
Բայց եւ ստոյգ եմ՝ նա հաշտ կը մնար  
Թէ այս աշխարհի, թէ Աստուծոյ հետ:

Ես կը տեսնէի իր դէմքը սիրուն,  
Երկրից կը հասնէր ձայնը ականջիս.  
Սուգի օրերը կը տանէր տոկուն,  
Նոյն իսկ սև օրից կօգտուէր սիրելիս:

Այո, վստահ եմ այդպէս կը վարուէր.  
Իսկ հիմայ՝ հրաշք—նա իր տապանից  
Կարկառում է ինձ մահատիպ ձեռքեր,  
Ամոքում իմ վիշտ, ցրում իմ թախիծ:

LXXX Կանոդ էի ես, երբ նա ինձ մօտ էր,  
Ասել, թէ սէրըս էլ չի զարգանալ՝  
Միթէ՞ չէր կարող քաղցրանալ իմ սէր—  
Արդէն հասնւն էր, արդէն կատարեալ:

Դիցուք թէ սէրըս անէր աւելի—  
Սակաւ կլինէր իմ այժմեան այս վիշտ.  
—Այս միտքը, թէ ես յետոյ շատ պիտի  
Սիրէի նորան—ճնշում է ինձ միշտ:

Իսկ մահը այսպէս պատասխան տուաւ,  
«Եթէ չը լինէր իմ սառնամանիք,  
Սիրոյ պտուղը չէր հասնիլ բնաւ,  
Կամ գուցէ տօթից թառամէր սաստիկ»:

LXXXI Ինչո՞ւ մահուան դէմ կռուեմ շարունակ,  
Թէ մեր դէմքերը դարձնում է գունատ—  
Ո՛չ մի հէգ կեանքի կազմալոյծ դիակ  
Չը պիտի խախտէ իմ յոյս ու հաւատ:

Հոգին շարժում է օդապար իր թև—  
Շրջանից շրջան, եթերից եթեր,  
Բեկանուտ մարմնից թռչում է վերև՝  
Ինչպէս բոժոժից շերամի թիթեռ:

Մահուան դէմ չունիմ ո՛չ մի ասելիք,  
Որ խեց երկրից այն առաքինուն.

Գիտեմ՝ մարդկային ներքին արժանիք  
Միջնայ տեղ տնկուած՝ պիտ ծաղկէ սիրուն:

10

Այս բողոքն ունիմ մահուան դէմ միայն,  
Որ սիրտըս լցրեց բարկութեամբ անբաւ,  
Եւ մեզ իրարից հեռացրեց այնքան,  
Որ իրար խօսքեր չենը լսում բնաւ:

LXXXII Ա՛րի, ով գարուն, եկ՛ այցելիր մեզ,  
Շտապիր, ու եկ, վա՛ր իջիւր, ան, վա՛ր—  
Մայր—բնութիւնը սպասում է քեզ,  
Մի՛ զրկիլ նորան այդպէս չարաչար:

Ո՛չ մի շահ չիկայ մոռյլ օրերից,  
Բացուիր, ով գարուն, ցրուիր մեր աղէտ.  
—Կարող են միթէ՞ տազնապ ու թախիծ  
Ապրել միասին Ապրիլ ամսի հետ:

Ի՞նչ քեզ հետ շուշան, դու պայծառ Մայիս,  
Ձարդարիր դաշտեր, լեռ ու ձոր փարթամ.  
Ա՛խ, բեր ցողապատ կակաչ ու նարսիս,  
Յափրուկ, ճնճաղիկ, վարդ ու շահոքրամ:

Դու ի՛նչ ուշացար, եղանակ սիրուն,  
Չէ՞ որ կուշանան եւ իմ ցաւ ու վէրք.  
Ա՛խ ինչքան կուզէ իմ պաղած արիւն  
Սառուցը կոտրել ու սկսել իր երգ:

LXXXIII Երբ մտմտում եմ մեն ու միայնակ  
Այստեղ անց կացրած քո կեանքի վերան,  
Եւ խորհում ինչպէս քո մտքի փայլակ  
Պիտի բոլորէր լուսնեակի նման:

Տեսնում եմ գլխիդ լուսածիր մի խոյր  
Եւ Աստուածային մի կրակ անշէջ,  
Որ սփռում էր սէր, փպիտ ու համբոյր,  
Եւ շարժում արիւնդ երակներիդ մէջ,

Եւ քո արեան հետ նոյնպէս իմ արիւն—  
Իմը և քոնը կարծես մի ակից...  
—Դու շուտով պիտի տանէիր քո տուն  
Հարսըդ նագելի, քոյրըս սրտակից:

Եւ քո մանուկը իմ ծնկին հասած՝  
Պիտի թոթովէր՝ «քեռի, իմ քեռին»,  
Բայց, ախ, այն օրը սև ու ամպամած  
Ինձ դարձրեց անյոյս, քեղ— հողի բաժին:

Քո դեռ չը ծնունդն կայտառ մանկիկներ  
Պիտի դարձնէի սիրոյս առարկայ.  
Ես կը լինէի իրանց խաղընկեր,  
Կը համբուրէի, կը տայի ընծայ:

Ես հիւր կը գայի, և դու սիրալիր  
Երգ կըստեղծէիր ինձ հետ շարունակ,  
Թե թեի տուած՝ հետըս կանէիր  
Հոգեշահ զրոյց, վայելուչ կատակ:

Եւ մարդիկ պիտի գովէին ինձ հետ  
Քո ազնիւ վաստակ, քո գործը բարի.  
Եւ վարդ— արևը մայր մտնելուց յետ՝  
Կրկին մի նոր օր լուսանար պիտի —

Բաղդաւոր մի օր— անցած օրուայ պէս...  
Այդպէս թարմացած՝ պիտի օրէօր  
Զգտէիր դէպի վայրերը անտես,  
Մինչև դառնայիր ծեր ու ալևոր:

Թէկուզ վերայիդ կաւէ պատմուճան  
Քեզ— քիչ կը մաշուէր, բայց և օգտակար  
Եղած կը լինէր հանուր մարդկութեան,  
Իսկ հոգիդ պիտի թռչէր ու գնար:

Եւ այդ քո հոգուն կը փարէր հոգիս  
Միտոյ ու վշտի ամուր կապերով—  
Այստեղ կը ձգատէր սուրբ նպատակին,  
Եւ վեր կը թռչէր անյայտ ասիերով

Քոնի հետ մէկ տեղ դէպի ջինջ եթերք.  
Նա, որ սուրբ երկրում գոհ եղաւ անմեղ  
Պիտի տարածէր լուսաշող իր ձեռք,  
Եւ մեզ բարձրացնէր անծանօթ մի տեղ:

— Միտ իմ յետադէմ, դա մի եղեգ է,  
Որին դու իզուր յենումես այդպէս.

Հին ցաւեր շարժել արժան է միթ՞է,  
Լաւ է՝ մի ուրիշ յենակէտ ընտրես:

LXXXIV Այս ճշմարտութիւնն պարզ ու կատարեալ  
Ես սովորել եմ մահուան ստուերից—  
«Աւելի լաւ է սիրել ու ողբալ,  
Քան ի՞նչ մի ճաշակ չունենալ սէրից:»

Ով դու, որ մինչ ց արդ կրել ես տանջանք,  
Թէկուզ անխարտախ մի կեանք ես վարել—  
Հարցնում ես՝ ին՞չ կերպ գտնես սփոփանք,  
Կամ ես իմ վիշտը ին՞չպէս եմ տարել:

Հարցնումես՝ արդե՞տք իմ վիշտը դաժան  
Վառեց. թէ մարից յոյսըս առ Աստուած,  
Արդե՞ծվ Արթուրիս սիրել եմ այնքան,  
Որ այլոց համար էլ սէր չը մնաց:

— Սօս՝ քեր ողջախոհ, խօս՝ քեր ճշմարիտ,  
Հնչումեն ազդու, հնչումեն համեստ—  
Լսիր, բարեկամ, քո այդ հարցերիդ  
Ահա պատասխան պարզ ու անարուեստ:

— Կեանքըս սահումէր մեղմ ու անվրդով,  
Մինչև լուր հասաւ, թէ իմ սիրելիս  
Ննջեց յաւիտեան մահատիպ քնով՝  
Աստուծոյ մատը նորան տիպչելիս:

Այն մեծ ահումբը մեզանից վերև,  
Անմահ հոգիներ, խուժը երանելի  
Ոսկէ դուան մօտ կանգնած թևիթև՝  
Ասացին նորան, «գալուստըդ բարի»:

Եւ տարին նորան վայրեր երջանիկ,  
Տոյց տուին նոյնպէս վճիտ վտակում  
Այն գիտութիւնը, որ մարդոց որդիք  
Այստեղ ձեռք բերել չեն կարողանում:

Իսկ ես մնացի այստեղ յուսահատ,  
Կեանքըս ապարդիւն, միտքըս յոռետես.  
Եւ երբ շրջումեմ դաշտ ու անապատ,  
Նորան եմ տեսնում ամեն տեղ կարծես:

Օ՛րմ բարեկամ, ընկեր սիաասուն,  
Օ՛ սիրտ, որ ունիս սիրավառ կրակ.  
Օ՛ դու երկնային անբիծ գոյութիւն,  
Դու, որ կրում ես յաղթութեան պսակ:

Ո՞վ է, որ ինձ չափ ստոյգ գիտենայ,  
Թէ ի՞նչ կը դարձնէ մեր կամքը—անյաղթ,  
Որ մենք այս կեանքի լայն բեմի վերայ  
Մրցենք ու մեռնինք քաջ ու բարեբաղդ:

Ինչ էլ որ լինի իմ մութ ապագաս,  
Թէկուզ մեն-մենակ, բայց զգում եմ միշտ,  
Թէ նա ինձ հետ է, հարթում է ճամբաս,  
Եւ վառում հոգիս, ամորում իմ վիշտ:

Նա՛ իմ սիրելիս, որին վեհ մուսայք  
Տուել էին ձիրք ու ճարտար լեզու,  
Որ նուրբ մտքերին տար գաղտնի համայք,  
Եւ խօսքն ու երգը լինէին ազգու—

Նա՛ ինձ օգնում էր, նա՛ իմ աչքի բեր,  
Որ չար բան չանեմ, չը սարքեմ սև դաւ,  
Մէրը գծում էր իմ առջև մի տիպ.  
Եւ մի ջինջ պատկերք ու մեղմում իմ ցաւ:

Եւ մտացածին իմ վիշտ ու տագնապ,  
Որ սիրում էին յուզել իմ հոգին,  
Եւ ողջ կեանքիս մէջ ծաւալել սարսափ—  
Ինձ խորտակելու անկարող էին:

Եւ հիմայ սիրտըս զարկում է զուարթ  
Ուրիշ ինձ ծանօթ մարդկերանց առաջ  
Արգեօք չեմ լինիլ անարժան մի մարդ,  
Թէ ողբամ անյոյս ու լալառաջ:

Յոյսը դարձնում է մեզ—մարդ. ով <sup>1)</sup> ընկեր,  
Արդ մեղք է՝ մնամ միայնակ ու հէզ,  
Ուստի տածում եմ դէպի բեզ մի սէր  
Որ ժամանկից չի յաղթուիլ երբէք:

<sup>1)</sup> Նոր ընտրած ընկերը, որին նոյնպէս խոստանում է մի անյաղթ սէր,

Այս սէրը պիտի մնայ միշտ հզօր,  
Մնայ աներկիւղ, կայտառ ու աշխոյժ,  
Չեն յաղթիլ դորան չար բաղդ ու սև օր,  
Այլ պիտի պահէ կազդուրիչ իր ոյժ:

Բայց երբ կանաչեն ձոր, հովիտ ու թումբ,  
Գարնանը ուռչին գետերը վարար,  
Եւ երբ ազոաւներ աշնանը խումբ-խումբ  
Տժգոյն անտառում խառնուին իրար,

Եւ ևրբ հողմերը շառաչեն անվերջ,  
Ալիք ու յորձանք բարձրանան վէտ-վէտ,  
Եւ իմ հին սէրը գերեզմանի մէջ  
Նորից արթնացնեն, կանչեն դեպի յետ—

Ես այն ժամանակ կը լսեմ մի ձայն—  
Ընկերիս ձայնը՝ մեղմ ու սիրալիւր,  
Որ կասէ՝ «սիրտ ան, մի ողբալ ունայն,  
Դնա, քեզ համար նոր ընկեր ընտրիր»:

Այս լուռ ավերից տեսնում եմ ես քեզ,  
Հոգիդ կարող է սաւառնել ինձ մօտ,  
Միայն թէ բաղդը միշտ թողել է մեզ  
Իրար հետ անձամբ խօսալու կարօտ»:

Իսկ ես կը հարցնեմ կարող է արդեօք՝  
Այս երկրի թուխպը ծածկել ջինջ եթերք,  
Չէս կարեկցում ինձ, ինչո՞ւ ես անհոգ,  
Դու, որ ցաւ չունիս, բայց ես՝ սրտի վէրք:

Եւ ես կը լսեմ մի փոքրիկ շշուկ՝  
«Այդ հարցի խորքը չի հասնիլ մեր խելք,  
Մեր գոյութիւնը՝ այս գիտեմ ստոյգ,  
Պիտի ունենայ բաղդաւոր մի ելք»:

Այսպէս՝ ըզգում եմ, որ մօտս է յաւէտ  
Մեռած ընկերըս իբրև խօսակից.  
Վիշտըս խաղում է սիմվոլների հետ  
Եւ սնունդ առնում սին անուրջներից:

Իմ նպատակը որոշ է հիմայ,  
Ինչ անցաւոր է՝ կանցնի մի անգամ.



Բայց սէրը սէրին պիտի միանայ—  
Ուստի ներքի ինձ, ով իմ բարեկամ,

Որ ես՝ թէև քեզ սիրում եմ անկեղծ,  
Դարձեալ չեմ կարող՝ ինչքան էլ ուզեմ  
Փոխանցել վերադ այն սէրը անեղծ,  
Որ նորա համար միշտ զգացել եմ:

Բայց ո՞վ է արդեօք, կամ ո՞ր մի սիրող  
Իր ուխտը պահել մինչև ծերութիւն,  
Ո՞վ է իր սէրը, ոսկեղէն այդ օդ—  
Առաջին սէրը պաշտպանել տոկուն:

Իմ մէջ չի մարել սրբագան այն բոց,  
Այլ դեռ յիշում եմ տխուր ու տրտում  
Նորա տաք կուրծքը, նորա գիրկ ու ծոց,  
Բայց, ախ, ոտքերի ձայնը չեմ լսում:

Ո՛չ, ո՛չ, իմ սիրտը՝ որբացած վաղուց,  
Ձի հանգստանում վաղեմի սիրով,  
Այլ հիմայ կուզէ մի անկիւն, մի խուց,  
Մի կուրծք կամ մի լանջ՝ տաք ու ապահով:

Օ, ընդունիր դու այս աշնան ծաղիկ,  
Իբրև մի պարգև, թէկուզ անարժան,  
Թէկուզ ո՛չ թարմ է և ո՛չ գեղեցիկ.  
Բայց գարնան ծաղկի շատ ու քիչ նման:

LXXXV Ով մեղմ իրիկուն՝ յորդ անձրևից յետ,  
Որ փալփում ես վարդ-վերջալուսին,  
Օղբդ անուշ է, գով ու խնկաւէտ,  
Ջոջում են թփեր, բուրում է գետին:

Քո մեղմ գեփիւռը ցրում է անա  
Դաշտ ու անտառից ժանտ գոլորշիներ.  
Եւ եղջիւրաւոր գետակի վերայ  
Դու տարածում ես թրթուռն ստուեր:

Օ, հովահարիւր եւ իմ խոնջ ճակատ,  
Քշիւր այս տենդը իմ տապ այտերից.  
Օ, մի թող, որ ես հէզ ու յուսահատ  
Այսքան ցաւ կրեմ և այսքան կսկիծ:

Թող հոգիս թռչէ դէպի ջինջ կամար,  
Որ հանգչեմ զուարթ հոգիների մօտ,  
Ուր արուեսակը սիրուն ու պայծառ  
Մեզ գուշակում է մի նոր առաւօտ:

LXXXVI Թափառում էի շուկայից շուկայ  
Մի քաղաքի մէջ խիստ աղմկալի,  
Մի բարձր շէնքի դռան մօտ հասայ,  
Ուր մի ժամանակ ուսանող էի:

Տեսայ գիտութեան տաճարը նորից,  
Ուր շրջում էին տղայք վար ու վեր,  
Երգեհոնների գոռ հնչիւններից  
Դղրղումէին սրբոց պատկերներ:

Նորէն լսեցի ջրերի խոխոջ  
Եւ թիակների ծափածայն բաղխիւն,  
Տեսայ գետափին ուռիներ դողդոջ,  
Լսեցի կանաչ մարգի սոսափիւն:

Մի և նոյն ծառեր, մի և նոյն կամուրջ,  
Մի և նոյն տունը, ուր նա էր ապրում,  
Բայց այդ բոլորը թւում էր անուրջ,  
Մի դռան առջև կանգնեցի տրտում:

Դռան վերայ կար մի ուրիշ անուն...  
Ես դուրսը կանգնած կմախքի նման,  
Իսկ տղայք ներսը՝ գոհ ու զուարթուն,  
Թխկացնում էին դուռ ու պատուհան:

Բաբէ, այստեղ էր, որ մենք՝ միասին  
Մի խումբ ընկերներ, տաք վիճումէինք  
Գործ ու արուեստի, գիտութեան մասին—  
Հոգեպաշտ մարդիկ, ազգասէր անձինք:

Մէկը իր ամբողջ միտքը լարելով  
Հազիւ էր պարզում վէճի առարկան,  
Իսկ մի ուրիշը խելօք փաստերով  
Ճգնումէր յանգել մի հետևութեան:

Բայց նա՛—սիրելիս՝ հանձարեղ ու ժիր—  
Նա գիտէր հարցը մեզ համար պարզել:

Մենք լսումէինք նորան ուշադիր —  
Խօսքերը սահուն, ազգու ու վայել:

Մա բացատրում էր հարցը կէտ առ կէտ,  
Չայնը հնչումէր մեղմ նուազի պէս  
Եւ Աստուածային հուրը լուսաւէտ  
Վառումէր նորա վեհաշուք երես:

Ճակատը բարձր և դէմքը պայծառ,  
Հոգին երկնածեմ ու միտքը զգօն,  
Աչերը խոհուն, ունքերը կամար—  
Կարծես թէ լինէր անմահ Անգելօն:

LXXXVII Ով վայրի թռչնակ, որ երգումես յար  
Դրախտի երգըդ փշէ թուփն ի վեր,  
Աստ, որտեղ են խառնըւում իրար  
Տարբեր խինդ ու խանդ ու տարբեր կրքեր:

Արդ՝ եօք բունն կրքիցդ եղար, ով թռչնակ,  
Այն՝ քան յեղյեղուկ, ա՛յնքան ծայրահեղ,  
Որ աշխատում ես քո հէզ կուրծքի տակ  
Հրճուանք ունենալ վշտի հետ մէկ տեղ:

Իմ կրքոտ վիշտը այդպէս անպայման  
Չըպիտի տիրէ սրտիս լարերին,  
Այլ կը փափագիմ եւ մայր—բնութեան  
Իմ երգը ձօնել ու թռչել յերկին:

LXXXVIII Ով դիւթիչ կնձի, դու մարդի վերայ  
Լոյս ու ստուերով խաղումես կարծես.  
Եւ դու թթենի բարձր ու հսկայ,  
Դո՛ւ ձգուած ես վեր աշտարակի պէս:

Օ՛քանի անգամ սիրելիս Արթուր  
Ապաստան գտաւ ձեր շուաքի տակ,  
Ուր մոռանումէր օրուայ ծուխ ու մուր,  
Քաղաքի շոքը, ձիչ ու աղաղակ,

Ուր լուռ նայումէր շքեղ բնութեան,  
Եւ մեր խաղերին լինում մասնակից,  
Երբ նա թողնում էր <sup>1)</sup> օրէնքի ատեան

<sup>1)</sup> Իրաւագէտ էր:

Եւ մեկուսանում. դատ ու վէճերից:

Ի՛նչ զովարար էր հանգստեան այդ վայր,  
Ծառերը կանաչ ու ստուերախիտ.  
Օգը անուշակ, և ծայրէիծայր  
Խնկաբոյր դաշտեր, դալարուն հովիտ:

Ցրումէր հոգսը ամեն անգամին,  
Երբ սուր մանգաղը շարժում էր դաշտում,  
Եւ այգիի մէջ խստաշունչ քամին  
Հասած տանձերը ներքեւ էր թափում:

Ինչ երանութեան, երբ նա՞ կարդումէր  
Մեծ տոսկանացու երկերը ընտիր,  
Մենք նստում էինք շուրջը, վար ու վեր,  
Եւ լսում նորան լուռ և ուշադիր:

Ի՛նչ երջանկութիւն, երբ զուարթ մի հիւր  
Իրիկուան դէմին երգում էր ուրախ,  
Իսկ լուսնկային բաղդաւոր մի քոյր  
Քրնարի վերայ ածում էր յաճախ:

Եւ վազվզելիս դէպի սար ու ձոր՝  
Մենք զգումէինք ոչ սակաւ հաճոյք,  
Եւ խիտ անտառում—ամառուայ ձիգ օր—  
Վայելումէինք մեր փոքրիկ խնջուրք:

Եւ դատում էինք երկրի կարգն ու դիրք  
Պետութեան կազմը անխնայ—բայց լուրջ.  
Եւ քննումէինք խորիմաստ մի գիրք,  
Եւ մտքով հիւսում սոկրատեան անուրջ:

Բայց նա սիրում էր հերքել իմ կարծիք,  
Երբ պարծում էի քաղաքի կեանքով—  
«Դո՛ւ է՛» ասում էր, «այն մեծ աղօրիք,  
Որ ջախջախումէ մեր ներքին կորով:

Կեանքի իմաստը ջնջում է իսպառ  
Եւ տալիս դորան արտաքին մի ձև...»  
Այդպէս խօսալով՝ գնում էինք վար  
Դէպի գետակը՝ մեղանից ներքև:

Ու՛ էրիկունը կամ վաղ առաւօտ

Հեռու դաշտերից դառնում էինք գիւղ—  
Ո՛հ ին՛չ պարզ երկիրք, ին՛չ կանաչ արօտ,  
Գոյն—գոյն ծաղիկներ, դալար ծառ ու ձիւղ:

Լուռ ու մունջ էին դաշտ ու արտորայք,  
Միայն թէ մեղուն բզզում էր անվերջ,  
Եւ թփի ետև գիւղացի կանայք  
Կաթ էին կթում ամանների մէջ:

**LXXXIX** Նա դեռ չի առել սիրոյ անուշ համ,  
Եւ դեռ չի խմել երկնաբուրդի ակնից,  
Որ մարդկանց ասեց առաջին անգամ  
Այս տեսակ խօսքեր բիրտ ու թունալից—

«Եթէ մեռելը յետ դառնայ յանկարծ  
Իր գերեզմանից և ապրէ կրկին,  
Չը պիտի տօնեն նորա վերադարձ  
Ո՛չ իր որդիքը և ո՛չ էլ իր կին»:

Թէկուզ երբ մարդիկ գինով տաքանան,  
Մեռելի մասին խօսեն շարունակ,  
Թէկուզ ափսոսեն ու յիշեն նորան,  
Եւ բարձր պահեն նորա յիշատակ,

Բայց ի՞նչ կը տեսնի, երբ յետ գայ աշխարհ,  
— Իր կինը արդէն օտարին յարած...  
Իսկ ժառանգները՝ անողոք ու չար,  
Գոյքը հեշտութեամբ չեն զննու ցած:

Նա չի վայելիլ ո՛չ գգուանք, ո՛չ սէր,  
Թէկուզ որդիքը լինին իսկ ազնիւ.  
— Այդ վերադարձը պիտի պատճառէր  
Մահիցն աւելի շիւան ու կոխ:

Բայց դո՛ւ, սիրելիս, յետ դարձիր և եկ.  
Թէպէտ ժամանակն փոխումէ մարդկանց,  
Այդ մտքերն իմ մէջ չեն մտել երբէք,  
Այլ միշտ քեզ պիտի փափազէ իմ անձ:

**XC** Երբ կը կանաչի վարդագեղ սոճին,  
Եւ նոր նոր կըսկսէ տորդիկը երգես,  
Երբ կը ցատկոտէ մացառի տակին

Մարտի թռչնակը մոյզ ու ոսկեթել—

Յետ դարձիր ու եկ անյ կերպարանքով,  
Ուր մի ժամանակ նկարուած տեսայ  
Քո պայծառ հոգու յուսավառ կորով,  
Որ խոստանում էր փայլուն ապագայ:

Ե՛կ, երբ նոր կը սկսէ ամառուայ հովիկ  
Ալ-ծաղիկների բոյրից համեմուած՝  
Շարժել դաշտային մեր հացահատիկ,  
Եւ շոյել հանդը մեր լայնատարած:

Մի գալ գիշերը, ցերեկըն արի,  
Երբ արեգակը փայլում է պայծառ,  
Արևի լոյսից ջինջ ես աւելի,  
Եկ, որ քո լոյսը փայլէ վառ ի վառ:

**XCI** Թէ ինձ մի տեսիլք ցոյց տար քո պատկեր—

Այդ կը կարծէի իբրև զառանցանք,  
Կամ իբրև ցնորք այլանդակ ու խեռ—  
Թէ և լեզու գար ու պատմէր այն կեանք,

Որ մենք վարեցինք իրար հետ անհոգ՝  
Դարձեալ ես պիտի խորհէի ինքնին—  
Դա յիշողութեանս մի քամին է լոկ,  
Որ շնչում է անցեալի մասին:

Կամ թէ տեսիլքը յայտնէր կանխօրէն,  
Թէ ինչ-ինչ բաներ պատահեն պիտի,  
Եւ այդ բաները զիցուք կատարուեն  
Մի քանի ամսում ձիշտ ու մի առ մի—

Այդ չէր թուիլ ինձ—մարդարէութիւն,  
Այլ լոկ հոգեկան մի նախազգացում—  
Մերթ շատ բաներ են յայտնուում մեր հոգուն,  
Որ կաաարուում են մօտ-ապագայում:

**XCII** Միթէ՞ ես նորից չեմ տեսնելու քեզ,  
Մի հոգի չեղմու, որ պատառելով  
Բաժանող պատը՝ յետ գար դէպի մեզ  
Այստեղ, ուր սոռալ շրջում էր մարմնով:

Թէև չեմ շտեմնում հիմայ ընկերիս,  
Բայց էլ անսնելու չը կայ ոչ մի յոյս,  
Ձէ որ ջղերըս թմրած լինելիս՝  
Հոգին իջնում է ու փարում հոգոյս:

Իջիր, եկ: Ի՞նչ դու ընկեր հոգեկից,  
Այդ քո վայրերից անտես ու հեռու:  
Իջիր, այդ վերին կապոյտ խորքերից,  
Այստեղ ի՞նչ անհաս, ի՞նչ տարբեր ետ դու:

Իջիր բարեկամ, և մնայ ինձ մօտ,  
Ա՛խ թէ այս ձայնըս հասնէր ականջիդ:  
Թէև խօսքըս թոյլ, աչերըս աղօտ:  
Բայց հոգիս կըզգայ, թէ մօտ է հոգիդ:

**XCIII** Ի՞նչ մաքուր մի սիրտ, ի՞նչ սէր կատարեալ  
Պէտք է ունենայ այն մարդը, որ գէթ  
Մի ժամ կարենայ սերտ կապ ունենալ,  
Եւ հոգով շփուել ննջեցեալի հետ:

Ձմեր ես վար կանչում այն հոգիներին  
Որ կեանք են վարում գո՞ն ու բերկրալից,  
Եթէ նորանց պէս նոյնպէս քո հոգին  
Չի ասում՝ «գո՞ն եմ այս իմ վիճակից»:

Նորանք մտնում եմ լոկ այն սրտի մէջ,  
Ուր բուն են դրել ջինջ յիշատակներ,  
Ուր կան խոհերի ազատ ել և էջ,  
Ուր կայ մաքուր խիղճ, ուր կայ անկեղծ սէր:

Բայց երբ քշում է մի սիրտ դէս ու դէն,  
Սև կասկածները այդտեղ դռան մօտ—  
Նորանք լոկ դուրսը կանգնած կը լսեն  
Ներսի անախորժ աղմուկ ու շփոթ:

**XCTV** Գիշերը դաշտում պտըտում էինք  
Չոր ու կիսախանձ խոտերի վերայ,  
Հանդարտ ու զով օ՞դ, միզապատ երկիրք—  
Ո՞հ ին՛չ հաճելի տեսարան էր դա:

Մեղմ վառում էին ճրագներ շքեղ,  
Ձէր լսում նոյն իսկ ծղրիղի մնջիւն:

Միայն բզզում էր հեշտաեռն այնտեղ,  
Եւ հեռից լսում առուի կարկաչիւն:

Յանկարծ չղջիկը սըլանում էր վեր,  
Ցատկոտում էին ու փախչում անհետ՝  
Լոյսից անաբեկ, փոքրիկ էակներ—  
Բրդ՞ոտ, բազմաշ՛եայ ու խայտաբղետ:

Եւ մեր երգերը հին ու բերկրալիր  
Ձիւ— հնչում էին արօտից արօտ,  
Ուր նշմարում էր պառկած մի նախիր,  
Նոյնպէս ծառերի ստուերներ աղօտ:

Մի անգամ, երբ շատ գիշերից անցաւ,  
Հիւր ու բարեկամ հեռացան ինձնից,  
Ամեն մի ճրագ գիւղումը հանգաւ,  
Եւ իմ հէգ սրտին պատեց խոր կսկիծ—

Յանկարծ սիրտ իթունդ դուրս հանցի ես  
Հին նամակները մեռած ընկերիս,  
Որոնք անթառամ տերևների պէս  
Պիտի յիշեցնեն գարունը կեանքիս:

Անձայն խօսքերը, թէ ինչ՞ պէս— չ'գիտեմ,  
Ձայն արձակեցին խոր լուռթեան մէջ.  
Մունջ սէրը կարծես ժամանակի դէմ  
Յաղթութիւն տարած՝ պատմեց ինձ անվերջ

Այն մեծ հաւատքից, որ վանում էր միշտ  
Մորա վեհ կեանքից ամե՛ն տարակոյս,  
Պարզում մութ հարցեր, մեղմում ցաւ ու վիշտ—  
Եւ տալիս իրան ճշմարտութեան լոյս:

Եւ ամեն մի խօսք կամ ամեն մի տող  
Կարծես շիրիմից բերաւ մի ողջոյն.  
Եւ Նորա հոգին— երկնային մի շող  
Իջաւ ու փարեց իմ թմրած հոգուն:

Հոգիս մոռացաւ այս ունայն աշխարհք,  
Մորա հոգու հետ թռաւ ջինջ եթերք,  
Եւ կարծես լսեց այն երակի զարկ,  
Որ պինդ պահումէ ամբողջ տիեզերք:

Եւ լսեց այն հիշն, դարեւոր նուագ,  
Որ չափումէ ճիշտ կեանքը մարդկային,  
Մահի հարուածը, ժամ ու ժամանակ.  
Բայց, ա՛խ, մի կասկած յուզեց իմ հոգին:

—Ո՛չ արուեստ ունիմ, ո՛չ գորեղ մի ձայն,  
Այլ միայն խօսքեր՝ անորոշ ու բիրտ,  
Ո՛չ էլ կարող եմ միտքըս բերել այն,  
Ինչ մի ժամանակ վառում էր իմ սիրտ:

Անցաւ գիշերը, փալփլեց երկիր,  
Նորէն նայեցի արօտից արօտ,  
Ուր նշմարեցի մի պառկած նախիր,  
Նոյնպէս ծառերի ստուերը աղօտ:

Եւ արշալուսին վաղորդեան մի հով  
Սկսեց կաքաւիլ բարձունքից բարձունք,  
Սուրաց ու անցաւ թթենու միջով,  
Տարածեց իսփիւռ մշկահոտ բուրմունք:

Եւ հեռզհեռէ թարմ ոյժ ստացած՝  
Օրօրեց կնձնին, թուաւ հև իհև,  
Եւ վարդի թուփը ցնցեց ու ասաց,  
«Ահա նոր արև, ահա նոր արև»:

Մեղմ հովը լսեց, լուսացաւ աշխարհ,  
Եւ մութ արևմուտքն ու ջինջ արևելք՝  
Որպէս մահ ու կեանք միացան իրար,  
Եւ հոգիս զգաց անվտխճան վայելք:

XCV Ո՛վ սիրուն աղջիկ, որ տխրումես գու,  
Երբ նկատումես ջրահեղձ ճանձին,  
Դու ինձ ասում ես առանց հեղինջու,  
Թէ սև կասկածն է — սատանի որդին:

—Չը գիտեմ, բայց ինձ ծանօթ էր մի մարդ  
Որ կասկածոտ էր. և երգը առաջ  
Պարզ չէր ու ախորժ, այլ խրթին ու բարդ,  
Բայց ճշմարտութեան զինուոր էր նա քաջ:

Թերահաւատ էր. բայց վարքը — բարի,  
Վերջապէս երգը հնչեց ներդաշնակ —

Անկեղծ կասկածը լաւ է աւելի,  
Քան մարդահընար ծէս ու հանգանակ:

Նա կասկածների կոուրի մէջ այդ լուրջ  
Հաւաքեց նոր ոյժ՝ ժիր ու քաջագէն,  
Մերժեց զանազան ցնորք ու անուրջ —  
Ոչինչ չէր ուզում դատել կուրօրէն:

Այդպէս՝ նա հաւատք գտաւ քաջաբար.  
Եւ մթութեան մէջ նա մօտ էր իրան —  
Նա, որ ստեղծեց եւ լոյս եւ խաւար,  
Նա, որ չէ կենում լուսոյ մէջ միայն,

Այլ եւ ամպի մէջ, որով պատումէր  
Մինայի լանջը, կատար ու խոռոչ —  
Մինդեռ Իսրայէլ ծուլում էր կուռքեր,  
Թէ և հնչում էր փողը բարցրագոյ:

XCVI Իմ սէրը խօսեց քար ու ծառի հետ.  
Ո՛ւր էլ նայում էր՝ իրան էր տեսնում.  
Իր շուքը շքեղ տեսնում էր յաւէտ  
Մութ ու միզապատ լեռնավայրերում:

Երկու ամուսին — մի գոյգ բաղձաւոր...  
—Այդպէս քեզ ու ինձ համարեցի ես՝  
Դու մի տեղ անյայտ ու խորհրդաւոր,  
Իսկ այս իմ հոգին կի՛ն լինէր կարծես:

Աչք աչքի յառած իրար նայելիս՝  
Նորանց սրտերը ալբոփում էին,  
Եւ Դեկտեմբերը դառնում էր Յունիս,  
Իսկ բաժանումը մահ էր երկուսին:

Եւ նորանց սէրը՝ ո՛չ, չի վերջացել,  
Ինչ էլ որ խօսէ նենգամիտ խուժան.  
Նէ, որ անցեալը դեռ չի մոռացել —  
Պարզ փաստ է, որ նա սիրումէ ներան:

Նա գնաց ջոկ տեղ, նէ մենակ մնաց,  
Նա դեռ սիրումէ, նէ պէտք չէ որ լայ.  
Թէ նորան տեսնի խոր — յափշտակուած,  
Թող նէ չը կարծէ, թէ հեգնումէ նա:

Նա կոխ է տալիս մտքի բաւիղներ,  
Եւ լուրջ դիտում է աստղերի ընթացք.  
Նա մօտ է թւում, բայց ի՛նչ հեռու էր.  
Եւ նէ սիրում է նորա ցուրտ հայեացք:

Որպէս յիշատակ դեռ պահում է սէ  
Անցեալ օրերից թառամած մի վարդ.  
Նորա մեծութեան չափը չը գիտէ,  
Բայց եւ սիրում է նորան անաղարդ:

Նորան է ձօնում նէ երգ ու նուագ,  
Եւ յիշում իրանց հին ուխտ ու պայման  
Նէ սոսկ առանին գործերից տեղեակ.  
Բայց նա իմաստուն. նա գիտէ շատ բան:

Նէ հաւատում է. բայց չը գիտէ քաջ,  
Թէ ինչ մեծ է նա, և ինչ՝ քան վսեմ.  
Նայում է նորան հեզ ու բարեհաճ՝  
— «Հասկնալ չեմ կարող, բայց սիրել գիտեմ:»

**XCVII** Դու մեզ թողեցիր, որ Ռէյնը տեսնես,  
Եւ այն թուրքերը՝ պերճ ու լուսաշող,  
Ուր մերթ նորա հետ շրջում էի ես,  
Եւ ուր աճումեն ցորեն ու խաղող,

— Եւ այն քաղաքը, ուր նա մահացաւ,  
Ուր մերթ եղել ենք ես, նա—միասին.  
Բայց հիմայ կարծես դորա հին համբաւ  
Խոտի նման է—լեռէի ափին:

Թէկուզ ծփում է Դանուբը վսեմ  
Ճոխ Վիէննայի կղզիների շուրջ,  
Չեմ ուզում տեսնել, և ո՛չ էլ կուզեմ—  
Այդ տեղից լաւը—երանգ ու անուրջ:

Ուր մի չար ոգի սփռում է թախիժ,  
Եւ մահ ուղարկում թէ պալատ թէ խուց,  
Եւ բաժանում է փեսան իր հարսից,  
Ընկեր ընկերից ու հայրը որդուց:

Եւ դարան մտած՝ որսում է մարդկանց,  
Լցնում տները հոգս ու ցաւերով—

Ո՛չ մի թագաւոր, ո՛չ աղքատ մի անձ,  
Ո՛չ ոք չէ կարող լինել ապահով:

Բայց այդ հոգին էր, որ ինձ ներշնչեց,  
Թէ դորա նման մի քաղաք չը կայ—  
Ծառուղիքը հով, արուարձանը մեծ,  
Եւ անթիւ կառքեր՝ շուկայից շուկայ:

Եւ ասաց՝ «չըկայ երկնքի ներքև  
Ո՛չ մի ժողովուրդ այդպէս երջանիկ.  
Ահտեղ տներում ճրագի առջև  
Նստած՝ երգում են քաղաւոր մարդիկ:

Պալատների մէջ, դաշտ ու արօտում  
Խուճը—խուճը պարումեն մարդ, կին թեւնցուկ.  
Անթիւ փամփուշտներ խաղումեն օդում—  
Ո՛հ ինչ՝ գունագեղ, ինչ խայտաճամուկ:

**XCVIII** Գիւղի նախիրը գնում է արօտ.  
Անուշ երգում են ուրախ թռչուններ.  
Բայց դէր է, ով դու մտայլ առաւօտ,  
Մա, որ մարդկութեան վարդ ու ծաղիկն էր:

Օ՛ր, որ սփռում ես շողեր դէպի ծով  
Եւ դէպի առուն, որ միշտ շտապաւ  
Վազում է ծառոտ դաշտերի միջով,  
Ուր նշմարումեմ նորան որ մեռաւ:

Օր, մրմնջումես ծառերի միջից  
Մի երգ, որ վաղուայ վշտերն է հեզնում.  
Բայց, ախ, աշունը՝ ինչ սպառնալից,  
Իր մատը դէպի ծառերն է մեկնում:

Օ՛ր, յիշեցնում ես բիւր էակներին,  
Որոնք շարժումեն այս երկրի վերայ,  
Բեղմնաւորութեան, ծննդեան մասին.  
Բայց էլ շատերին—գերեզման ու մահ:

Ո՞վ դուք մեծ ու փոքր—բանից բան,  
Ինչ էլ, որ լինիք, ինչ տեղ էլ որ կաք—  
Ես համարում եմ ձեզ ինձ համասեռ,  
Ինձ չէք ճանաչում, բայց հետըս կողբաք:

1) XCIX Բարձրացայ լեռը և ծայրէ իծայր  
Տխուր հայեացքով ես վար նայելիս՝  
Չը տեսայ մի կէտ, չը տեսայ մի վայր,  
Որ չը յիշեցնէր իմ բարեկամիս:

—Ո՛չ ազարակը, ո՛չ գոմ ու գաւիթ,  
Եւ ո՛չ ճահիճը եղեգով պատած,  
Ո՛չ նեղ ճամբաներ՝ հովիտից հովիտ,  
Ուր երևում են հօտ ու խաշնարած,

Ո՛չ այն բլրակը, ուր վշերի մէջ  
Փոքրիկ սարեակը երգում է իր տաղ,  
Ո՛չ, քարահանքը, ուր մղում են վէճ  
Մե ազուաները իրար դէմ յաճախ:

Ո՛չ այն աղբիւրը, որ հոսում է վար  
Վէճ — ապառաժից դէպ մարգագետին,  
Եւ ուր հովիւը — հօտին հոգնտար,  
Չուր է խմեցնում իր ոչխարներին:

Դու այս վայրերը սիրում էիր միշտ.  
Բայց այս բոլորին երբ նայում եմ ես,  
Ինձ համակում է մի այնպիսի վիշտ,  
Որ կարծես հէնց նոր դու մեռած լինես:

C Անխնամ պիտի ծառ ու ճիւղ թերուին,  
Եւ ծաղիկները թափթփին ի վար.  
Կենազուրկ պիտի թօշնի հաճարին,  
Եւ ձիգ չինարին խամրի խորշահար:

Միրազուրկ պիտի արեւածաղիկ  
Ճօճէ դէս ու դէն իր սկաւառակ.  
Անշըշունչ պիտի ամառուայ հողմիկ  
Լեցնէ դաշտերը բոյրով անուշակ:

Անխնամ պիտի աւազի միջով  
Առուակը հոսէ դէպի դաշտավայր —  
Թէ ցերեկը տաք, թէ գիշերը զով,  
Երբ պսպղում է երկինքը անծայր:

1) Այս և C, CII տ. երգերով հրածեշտ է տալիս իր հայրական տանը,  
որ ծնուած ու մնում էր:

Անտէրունջ պիտի հեղեղուի անտառ,  
Ուր բոյն են դրած արագիլ ու ճայ,  
Եւ ջուրը հոսէ դէպ թուփ ու մացառ,  
Մինչև որ հարթէ իր համար ճամբայ,

Մինչ կամաց-կամաց այդ դաշտ ու այգին  
Հանդէս կը բերեն մի նոր տեսարան,  
Մինչ կընտելանան այդ դաշտավայրին  
Օտար այցելուն, օտարի տղան,

Մինչև զիւղացին ամեն մի տարի  
Կը փորէ հողը, կը մաքրէ առուն,  
Եւ հետզհետէ իսպառ կը մարի  
Կամ կը նուազի մեր յիշողութիւն:

CI Ա՛խ, պէտք է թողնենք այս տուն ու զգեակ,  
Ուր աչք ենք բացել գո՛հ ու երջանիկ.  
Ա՛խ, այսուհետեւ այս տան յարկի տակ  
Պիտի բնակուին անձանթ մարդիկ:

Բայց նախ ես կուզեմ ման գալ վար ու վեր —  
Այս ծառաստանում՝ խիտ ու պտղատու.  
Մրցում են իմ մէջ երկու ոգիներ  
Սիրոյ մէջ իրար գերազանցելու:

—Մէկը ասում է՝ «այստեղ երգեցիր  
Առաջին անգամ քաղցրալուր քո երգ,  
Այո՛, այստեղ է քո բնիկ երկիր,  
Ուր թռչնոց երգէն թնդում է եթերը»:

Միւսն ասում է՝ «երբ հասակ առար,  
Պըտրտում էիր այս վայրը շքեղ  
Բարեկամիդ հետ — հէնց դորա համար  
Դու եռապատիկ սիրում ես այստեղ:

Ին՛չ երկար տեեց այս կուր ու վէճ,  
Տեղի չէր տալիս մէկը միւսին.  
Խեղճ մրցակիցներ՝ մի սին խաղի մէջ,  
Որ այդպէս իրար նախանձում էին:

Դարձայ որ գնամ հէգ ու տխրամած,  
Եւ թողնեմ ընդմիշտ այդ սիրուն վայրեր —

Յանկարծ երկուն էլ իրարու փարած՝  
Կազմեցին մի հատ սգազգեաց պատկեր:

CII Իմ սրտին տիրեց տխրութիւն անվերջ՝  
Հայրական տանըս հրաժեշտ տալիս.  
Վերջին գիշերը մի երազի մէջ  
Տեսայ վաղամեռ իմ բարեկամիս:

Եւ ին՝չ—ինձ տեսայ դահլիճի մէջ տեղ,  
Իմ շուրջը կանգնած սիրուն աղջիկներ.  
Մի գետ տան կողքից՝ մի կրքոտ հեղեղ,  
Վազում էր ներքև ու թնդում ի վեր:

Նէրանք բոլորտիքս քնարի վերայ  
Նուագում էին մեղմ ու քաղցրաձայն.  
Եւ նէրանց առջև վար դրած տեսայ  
Մի՛ քօղով ծածկուած, սիրուն յուշարձան:

Գիտեմ՝ դա ո՛վ էր, թէկուզ քօղարկուած—  
Սորսմն սիրել եմ ու սիրեմ պիտի.  
Եւ այդ միջոցին ներս թռաւ յանկարծ  
Մի պատգամաբեր սիրուն աղանի:

Երբ նէրանք տեսան, թէ պիտ հեռանամ,  
Սկսեցին հեծել դառն ու վշտակիր—  
Մտան նաւակըս, որ վերջին անգամ  
Ինձ ճամբայ դնեն մի օտար երկիր:

Նաւակը սողաց ու թողեց ետև  
Սիրուն ափերը, դաշտը գեղեցիկ.  
Այս ու այն ափից՝ մեր գլխի վերև  
Կամար էր կապել կապտագոյն հերիկ:

Երբ գետից անցանք դէպ ծովը անհուն,  
Սկսեցին գոռալ հոսանքները յորդ.  
Թարմ օդ ու նոր փայլ ստացան իսկոյն  
Իմ շուրջը նստող կին ու օրիորդ:

Ես նստած էի տխուր ու տրտում,  
Նէրանց նայելով սիրտ առայ եւ ես,  
Տաք արիւն հոսեց իմ երակներում,  
Եւ ինձ զգացի մի տխտանի պէս:

Մէկը երգում էր, թէ ինչ ահագին  
Ջոհեր է խլում պատերազմի դաշտ,  
Իսկ մի ուրիշը՝ մի ազգի մասին,  
Որ զարգանում է միաբան ու հաշտ:

Աւելի անսանձ, աւելի անսաստ  
Գոռում գոչում էր ծովը փրփրակէզ,  
Մինչ տեսանք հեռուից մի մեծ առագաստ,  
Նորահարսի պէս մօտենում էր մեզ:

Մա՛, մեր սիրելին վարում էր այդ նաւ,  
Ջինջ աչերի մէջ անշէջ հուր ու բոց.  
Ես մտայ նորա նաւը շտապաւ,  
Եւ լուռ գրկեցի նորա պարանոց:

Բայց աղջիկները հէզ ու վշտալի  
Ինձ դէմ բարձրացրին լաց ու աղաղակ—  
«Մենք ծառայեցինք քեզ այսքան տարի,  
Իսկ դու գնո՞ւմես, մեղ թողնում մենակ:»

Ես շատ յուզուեցայ. այդ հարցին երբէք  
Չէի կարող տալ ո՛չ մի պատասխան,  
Բայց նա՛ նա ասաց՝ դուք էլ ներս մտէք,  
Գնանք միասին», և նէրանք մտան:

Նաւի ծփոցը և քամու շառաչ  
Նուագներ էին կարծես մեզ համար,  
Եւ բորբոսագոյն մի ամպ մեր առաջ  
Ննջել էր որպէս մի դաշտանկար:

CIII Ահա մօտեցաւ Գրիստոսի ծնունդ,  
Լուռ ու մունջ գիշեր, քօղարկուած լուսնեակ.  
Թնդաց զանգակը, հնչեց թունդ ի թունդ  
Միակ տաճարից՝ ամպոտ լեռան տակ:

Բայց այդ հնչիւնը խանգարեց միայն  
Խոր լուսնիւնը ու հանգիստ իմ բուն,  
Եւ իմ բար—կուրծքից բարձրացաւ մի ձայն՝  
Թէ ծանօթ չէ ինձ այս զանգի հնչիւն:

Այլ դա նման է պանդխտի ձայնին  
Մի երկրում, ուր նա չի տեսնում մի բան,



Մի վայր, մի սահման, որ յուզեն հոգին—  
Ո՛չ մի յիշատակ, ո՛չ մի հին նշան:

CIV 1) «Տօնածառ սարքել այս տօն օրերում  
Ո՛չ մի հրապոյր չունի մեզ համար—  
Մեզ, որ ապրում ենք այս օտար երկրում,  
Ծննդեան տօնը թւում է օտար:

Մեր հօր աճիւնը՝ դատ ու առանձին,  
Օտար ձիւնի տակ հանգչում է հիմայ.  
Վարդ ու մանուշակ իր ժամանակին  
Կը բուսնեն այն տեղ, բայց մենք՝ բացակայ:

Կեղծ դիմակներով վիշտը խեղկատակ  
Ձը պիտ այս ժամը վրդովէ բնաւ.  
Փոխուել են արդէն տեղ ու ժամանակ—  
Հին սովորութեան կապը խզուեցաւ:

Անօրեայ հոգսը սփռում է ստուեր,  
Եւ մեր այս կեանքը փորձի ենթարկում—  
Ո՛հ թէ խնայէր գէթ այս սուրբ գիշեր,  
Որ դա էլ շքով թաղուէր անցեալում:

Բայց ո՛չ խրախճան, ո՛չ պարահանդէս,  
Պէտք չէ տաքանալ գինու գաւաթով.  
Ո՛վ կը կատարէ վաղեմի մի ծէս,  
Երբ էլ չի փչում հոգեշունչ մի հով:

Ո՛չ երգենք ուրախ, ո՛չ պարենք կայտառ,  
Ո՛չ փող, ո՛չ քնար ու ոչ մի վայելք,  
Թող միայն փայլէ այն լոյսը պայծառ  
Որ ոսկեզօծէ կարմիր արևելք,

Ուր փողփողում է մեր վարդ— ապագան,  
Շուտով գարունը քնից կը դարթնի.  
Ով սուրբ ժամանակ, չափիր քո ճամբան,  
Եւ դնս հանդարտ, որ բերքըդ հասնի:

1) Այս ծննդեան տօնին բարեկամի մահից երեք տարի էր անցել. Բա-  
նաստեղծը թողել էր արդէն իր ծննդավայրը ամբողջ գերդաստանով, (Տես XC-  
IX—CII) և բնակում էր մի ուրիշ տեղ:

CV Հնչիր, ով դանգակ, ձայնիդ ել և էջ  
Հասնէ դէպի լեռ, հասնէ դէպի ձոր.  
Տարին թաղուեցաւ խօլ խաւարի մէջ,  
Հին տարին անցաւ, թող մեռնի այսօր:

Հնչիր դէպի դուրս այս մեռնող տարին,  
Թող նորը ապրէ հնի փոխարէն,  
Հնչիր դէպի ներս անկեղծն ու բարին,  
Որ շարն ու սուտը չը յաղթահարեն:

Հնչիր դէպի դուրս վայն ու վայնասուն,  
Որ բարձրացնումենք մեռելի համար.  
Հնչիր դէպի դուրս ռիս ու գօտութիւն,  
Որ հաշտ կեանք վարեն ու ժեղն ու տկար:

Հնչիր դէպի դուրս դատարկ ձև ու ծէս,  
Եւ կոսակցական հին վէճ ու կոբւ.  
Հնչիր դէպի ներս բարիքներ պէս-պէս,  
Եւ մարդկութեան մէջ վարք ու բարք ազնիւ:

Հնչիր դէպի դուրս զրկանք ու չարիք  
Եւ ժամանակի նենգ ոգին իսպառ,  
Հնչիր դէպի դուրս—տխուր մեղեդիք,  
Թող մարդիկ երգեն զուարթ ու կայտառ:

Հնչիր դէպի դուրս փքուն յոխորտանք,  
Սև ատելութիւն ու դառը նախանձ.  
Հնչիր դէպի ներս դուրս ու փաղաքշանք,  
Հնչիր, որ մարդիկ սէր ցոյց տան միմեանց:

Հնչիր դէպի դուրս ունայն ձգտումներ,  
Անկշտում կիրքը դէպի մամոնան.  
Հնչիր դէպի ներս հաշտութիւն ու սէր,  
Ո՛չ թէ պատերազմ, այլ «հազարամեան»:

Հնչիր դէպի ներս ազատութեան երգ,  
Թող հարուստը տայ աղքատին հազուստ—  
Ո՛չ որ չի մնայ հալումաշ ու մերկ,  
Հնչիր Քրիստոսի վերստին գալուստ:

CVI Այն օրը սա էր, երբ նա ծնուեցաւ—  
Դառնաշունչ մի օր, մթազին և սև,  
Եւ զայն հարուստը տայ աղքատին հազուստ—  
Ո՛չ որ չի մնայ հալումաշ ու մերկ,

Մի օր, որ թեքուեց վաղ ու շտապաւ  
Հոծ ու կարմրախայտ ամպերի հտե:

Այդ եղանակին չէր բուսնում ծաղիկ՝  
Կոչ ու խնջոյքը պճնելու համար,  
Ցրտաշունչ քամին փչում էր սաստիկ,  
Սառցէ դաշտններ՝ ցեքերից ի վար:

Քամին ցցում էր մացառն ու փշեր  
Ստեի նման դէպ կիսալուսին,  
Որ կախ էր ընկած խիտ անտառն ի վեր,  
Ուր կազնիք ցրտից ճարճատուում էին:

Եւ մտրակում էր քամին մրրկալից  
Ջրի հոսանքը դէպի ծովեզերք,  
Բայց եւ բերում էր գինին ծովափից—  
Եկէք որ խմենք խաղողի այդ բերք:

Օ՛ն, կրակ արէք, բերէք փայտ ու ճախ,  
Թող վառարանում խարոյկ գոյանայ,  
Նստէք հուպ ընդ հուպ, զրուցէք ուրախ,  
Որպէս թէ մեզ մօտ, մեզ հետ լինէր նա:

Տօնենք այս օրը ու խմենք գինի,  
Այս տօն ու ծէսը պահպանենք անշեղ,  
Խմենք կենացը—Ինչ էլ նա լինի,  
Եւ սիրած երգը երգենք միատեղ:

CVII Չեմ ուզում խոյս տալ իմ ընկեր—մարդից,  
Ես բար կը դառնամ մենակ մընալով,  
Չեմ ուզում սնուել իմ ցաւ ու դարտից,  
Եւ ոչ էլ օդը լցնել իմ ողբով:

Ինչ շահ հաւատքից, որ չունի արդիւնք,  
Որ ըղձերով է սնում շարունակ,  
Թէկուզ նկրտէ բարձունքից բարձունք,  
Կամ թէ ներսուզուի մահուան գետի տակ:

Ինչ եմ գանում ես արդեօք բարձրերում,  
—Ո՛չ ոքի, լոկ—ինձ, որ ձօնումէ երգ.  
Մահուան գուրի մէջ ինչ է երևում,  
—Միայն մի հատիկ մարդկային պատկերք:

Աւելի կուզեմ վիշտ կրել հանդարտ,  
Վշտեր քաշելը յատուկ է մարդուն,  
Տանջանքի բովից դուրս եկած մի մարդ  
Կարող է լինել լուրջ ու իմաստուն:

CVIII Մա ունէր լայն սիրտ ու բազմազեղուն—  
Մի ակն, որ երբէք չէր մնում ցամաք,  
Մա նկատում էր միշտ լուրջ ու արթուն  
Այն՝ ինչ սիրուն էր, այն՝ ինչ ներդաշնակ:

Երկնային հանճար, հոգեկան կորով,  
Ամեն մութ կասկած պարզելու պատրաստ.  
Իր լսողներին իշխում էր խօսքով,  
Իր ամեն միտքը կշռում էր զգաստ:

Եւ նա իբնէ սիրում էր բարին,  
Բայց մռայլոտ չէր որպէս ճգնաւոր.  
Եւ նորա սէրը ջինջ ու երկնային  
Գարնան ծաղիկ պէս թարմ էր ամեն օր:

Եւ նա սիրում էր այն ազատութիւն,  
Որ վայելում է երջանիկ Անգլիան,  
Ո՛չ տղայի պէս թունդ ու տաքարիւն,  
Եւ ոչ ազգամուլ մի քէլթի՝) նման

Նազանքը կնոջ, կորովը մարդու  
Նորա մէջ իրար միացած էին.  
Մի մանուկ անգամ առանց քաշուելու  
Գրկում էր նորան ու սեղմում կուրծքին:

Եւ այս բոլորը տեսան իմ աչեր,  
Տեսան ամեն օր, բայց, աւաղ, իզուր.  
Ամօթ չէ՞ մընալ հիմայ անտարբեր,  
Իմաստութիւնը էլ ուր գտնեմ, ո՛ւր:

CIX Ինչ քաղցր էր քեզ հետ անկ ասուլիս,  
Լուռ լսում էին քեզ մարդիկ հասուն.  
Թուլասիրտ անձինք դէմքիդ նայելիս՝  
Բաց էին թոզնում իրանց մեղկութիւն:

Գալլիայի, Բրիտանիայի, Իտալիայի և Սպանիայի նախնական բնակիչները:

Աննենգ արտերը քեզ յարուս էին,  
Հպարտը քեզ մօտ խոր—խոնարհուս էր.  
Շողոքորթ մարդիկ կանգնած քո կողքին՝  
Չէին գործածում երկղիմբի խօսքեր:

Քո ներկայութեամբ կամակոր մի մարդ  
Հեզիկ լսում էր խօսքերըդ ազդու  
Կիրք շաղակրատը գառան պէս հանդարտ  
Ականջ էր դնում, չը գիտէր ինչո՞ւ:

Իսկ ես, սիրելիս, մեկուսի նստած՝  
Քո վարկ ու փառքով զմայլում էի.  
Խօսքըդ վայելուչ, դէմքըդ ամօթխած՝  
Որպէս ճշմարիտ մի քրիստոնէի:

Թէև չունէի քո ձիրք ու արուեստ.  
Բայց սէր կար իմ մէջ՝ ջինջ ու կատարեալ.  
Մի իղձ ունէի, մի փափագ համեստ—  
Այն է՝ աշխատել քեզ նման դանախ:

CX Կոպիտ մի հոգի—աղբատ թէ հարուստ,  
Ինչքան էլ թուայ մեծ ու վեհաշուք,  
Թէ հագին լինի ծիրանի հագուստ,  
Ծանդեամբ արքայ. բայց սրտով—գեղջուկ:

Կոպիտ այդ հոգին ինչքան էլ ծածկի  
Իր թերութիւնը սիրուն ձևի տակ.  
Բայց եւ կերևայ գէթ երբեմնակի  
Իր բնութիւնը կոշտ ու այլանդակ:

Կամ ո՞վ կարող է կեղծել միշտ յաջող—  
Բայց Ն՞ա, որ թողեց բիւր յիշատակներ,  
Նա, որի ներքին արժանիքը ճոխ  
Մեզ երևացածից աւելի մեծ էր.

—Ընտիր էր նորա անարատ ընթացք,  
Նա իր առօրեայ վարք ու բարքին կից  
Ունէր եւ ազնիւ, վայելուչ շարժումածք—  
Ընդարոյս ծաղիկ՝ մի ազնիւ մտքից:

Ո՛չ նեղսրտութիւն, ո՛չ նախանձ ու վէճ  
Չէին կնճռոտում երեսը փայլուն.

Եւ ցոլում էին ջինջ աչերի մէջ  
Արարիչ Աստուած և մայր—բնութիւն:

Եւ նա կրում էր՝ գլուխը միշտ ձիգ,  
Հին պատուանունը, «Ջէնթլէման» տիտղոս—  
Մի տիտղոս, որից օգտոււմեն մարդիկ—  
Անամօթ մարդիկ, սէպ ու մեծախօս:

CXI Իմաստութիւնը վշտից աւելի  
Պարգևում է ինձ հոգևոր մուշուկ—  
Դեռ սաղմի մէջ է. բայց աճէ պիտի,  
Որ կրթէ եւ մեր ապագայ սերունդ:

Ես, որ ամեն օր լուրջ ու անձանձիր,  
Նկատում էի քո ուժեղ հոգին—  
Ես հաստատում եմ՝ դու ծնուած էիր,  
Ճրագ լինելու քո հայրենիքին:

Դու գործում էիր ժիր ու անդադրում  
Քո բնիկ երկրի զարգացման համար.  
Ազգեցիկ էիր մեր պարլամենտում,  
Իսկ փոթորկի մէջ - հմուտ նաւավար:

Երբ անսանձ կրքեր, ոյժեր ահարկու  
Ցոյց էին տալիս խոտորնակ գնացք,  
Դու պատրաստ էիր այս երկրին տալու  
Մի այլ ուղղութիւն, մի ուրիշ ընթացք:

Երբ տեսնում էիր այնքանի մրրիկ,  
Եւ լսում աղժուկ, կամ դատարկ զրոյց,  
Դու կանգնում էիր անշարժ ու լռիկ՝  
Որպէս մի փարոս ու մի ուղեցոյց:

CXII Ո՞վ, ո՞վ չի սիրել արգեօք գիտութիւն,  
Դորա ոյժի հետ ո՞վ կանէ կատակ.  
Ո՞վ չափեց դորա պարիսպներ ու սիւն—  
Թող մեր կեանքի մէջ գործէ յաջողակ:

Դորա ճակատին վառում է մի ջահ,  
Վազում է առաջ դէպի ապագան,  
Դէպի անյայտը՝ անվախ ու անահ—  
Եւ ենթարկում է ամեն ինչ իրան:



Բայց դա մանուկ է—դեռ անչափահաս  
Ձի զօրում կռուել մահուան դէմ ազատ—  
Դեբրի գանգից շինուած մի—Պալլաս,  
Եթէ չընդունէ սէր, յոյս ու հաւատ:

Գոռ ու բոցավառ վազում է առաջ,  
Անցնում պատնէշներ—մի քանի ոահանորդ.  
Բայց թող իմանայ իր տեղը պատշաճ—  
Ո՛չ առաջին տեղն, այլ միայն երկրորդ:

Գերագոյն մի ձեռք դորան պէտք է տայ  
Մի հեզ բեռութիւն, թէ ո՛չ զուր է, զո՛ւր,  
Որ առաջնորդուի իբրև երեխայ  
Ինչպ իմաստութեան թափանցիկ աղբիւր:

Իմաստութիւնը երկնային, անեղ,  
Իսկ գիտութիւնը երկրին է յատուկ.  
Ով իմ բարեկամ, դու հասել ես տեղ,  
Եւ, անխ, ինձ թողել—թշուառ ու խղճուկ:

Թող քեզ նմանի աշխարհը համայն,  
Դու ո՛չ թէ ունիս լոկ ոյժ ու կորով,  
Ոչ թէ աճումես գիտութեամբ միայն,  
Այլ խոնարհութեամբ ու անվերջ սիրով:

CXIII

Ահա հալւումեն ձիւնի լայն շերտեր,  
Սկսումեն ծաղկել դաշտ ու տափաստան.  
Ետումէ կեանքը, լաւումեն երգեր,  
Հացի ծառի տակ ծաղկումէ շուշան:

Հիմայ անտառը հնչումէ անվերջ,  
Պայծառ հորիզոն, սիրուն երևոյթ.  
Եւ գեղգեղումէ ջինջ եթերքի մէջ  
Մեր աչքից ծածկուած սիրունիկ արտոյտ:

Պարումէ շողը դաշտերի վերայ,  
Հօտը վազումէ հանգից դէպի ձոր.  
Առագաստները պճնումեն ահա  
Ոլորտ գետերը, ծոփը հեռաւոր:

Ձկնորս որորը ազատ ու անվախ  
Պտոյտ է տալիս, ճախրում վեր ու վար,

Յետ եկան հեռուց թռչուններն ուրախ  
Բոյներ հիւսելու ձագերի համար:

Մայր—հողի կուրծքից ելան վարդ ու ծիլ,  
Նոյնպէս բազմաղէտ այս իմ կուրծքի տակ  
Կեանքը եռ եկաւ, ու եղաւ Ապրիլ—  
Այդտեղ էլ բուսաւ սիրուն մանուշակ:

GXIV:

Արդեօք մեր անցեալ օրերի թախիծ  
Գարուն սկսելիս՝ շարժւումէ սաստիկ—  
Թէ տալիս է մեզ, կամ առնում մեզնից  
Լիաշուք գարնան փայլը գեղեցիկ:

—Ո՛չ բողբոջին, այլ քամին է դա,  
Որ սուրումէ մերթ, եւ երգի հնչիւն—  
Դորանք են ազդում իմ սրտի վերայ,  
Եւ տալիս նոր կեանք, նոր վստահութիւն:

Եւ ո՛չ թախիծը, այլ՝ լուռ ժամանակ,  
Իմ վերայ ուղղած քո քաղցր հայեացքը,  
Քո մեղանոյշ ձայն՝ որպէս մեղմ նուագ—  
Դորանք են տալիս իմ կեանքին ընթացք:

Այո, այդպէս է նորոգում իմ կեանք,  
Չբանում իսպառ հին վիշտ ու աղէտ,  
Հիմայ ես ունիմ մի հատիկ տենչանք  
Ուխտըս նորոգել ու ապրիլ քեզ հետ:

CXV

Ով օր ու ժամեր, ինձ նորա կուրծքից  
Հեռու էք պահում—ինչո՞ւ այդ արգելք...  
—Արդեօք կեանքից յետ այս աղէտալից  
Ունենալի՞ս եմ երկնային վայելք:

Հեռու լինելիս՝ քաղցր կըթնալ  
Կրկին տեսութեան օրը մօտալուս  
Երբ այնտեղ հասնեմ, ուր կենումէ նա,  
Պիտի հասկանամ, թէ ին՛չ մեծ օգուտ

Ունէր ամեն մի աւազի հատիկ  
Եւ արեգակի ամեն մի շրջան,  
Փախչող ստուերը, տարիները ձիգ,  
Ամեն մի բոպէ, ամեն մի վարկեան:

CXVI

Դու լաւ մտածիր, քննիր մի առ մի

Այս ժամանակի գործերն ու վաստակ-  
Բայց դու մի կարծիլ, թէ կորչէ պիտի  
Մարդկային կեանքը՝ որպէս մի շուաք:

Մեզ այնպէս թուող մեռած—մարդիկններ  
Մի կեանք են վարում աւելի ընտիր,  
Եւ ձգտում դէպի վեհ նպատակներ:  
Գիտունք պնդումեն, թէ այս մեր երկիր

Հեղուկ կրակից կազմուեցաւ ինքնին,  
Եւ դիպուածական ձևեր ստացաւ՝  
Որպէս խաղալիք անզուսպ տարրերքին,  
Մինչև վերջապէս մարդը վեր կացաւ,

Աճեց, տարածուեց բևեռից բևեռ,  
Եւ ճամբայ հարթեց նոր ցեղի համար—  
Ասպարէզ վսեմ, գոյժութիւն անմեռ—  
Թէ ժամանակին հետևի յօժար,

Թէ վշտի բովից դուրս գայ ի հանդէս՝  
Փայլուն ոսկու պէս զուտ ու անխարտախ,  
Եւ իր ընթացքով ցոյց տայ յայտնապէս,  
Թէ այս կեանքը չէ մի անպէտք մետաղ,

Թէկուզ մութ այրից ելած մի գանգուած,  
Բայց ապա հալուած ահ ու վախի տակ,  
Աղի արցունքի հեղեղում թաղուած,  
Եւ կեանքի մուրճով ողորկուած խտակ՝

Մեր խեղճ աշխարհին մի օգուտ տալու:  
—Ուրեմն վեր կաց, ու գործիր անվերջ,  
Քշիր գազանին քո սրտից հեռու,  
Վագր ու կապիկը թող մեռնին քո մէջ:

CXVII Դարձեալ կանգնեցի այն դռան շէմքին,  
Ուր բարբախել էր շատ անգամ իմ սիրտ.  
Այդ օր չէր թառել թախիժ իմ դէմքին,  
Լուռ էր քաղաքը ու ամբոխը բիրտ:

Բուրում էր այնտեղ գարնան անուշ հոտ,  
Եւ հնչում թռչնի երգը սիրակէզ  
Քեզ օրհնումէի՝ կանուխ առաւօտ,  
Միտքըս բերելով անցեալը և քեզ,

Եւ քո շրթունքներն նուրբ ու փաղաքուշ,  
Եւ քո աչերը ջինջ ու հոգեթով...

Եւ մեզմ բռնեցի քո ձեռքը քնքոյշ,  
Սեղմեցի սրտիս՝ մեզմ հառաչելով:

CXVIII Յուսամ՝ ասած չեմ՝ զուր ու անտեղի,  
Թէ մի տեսիլք է մարդը—անհեթեթ,  
Թէ ես մահուան դէմ իզուր կռուեցի՝  
Ինչպէս <sup>1)</sup> Պողօսը գազանների հետ,

Մարդը մի ճարտար հողանիւթ շինուածք...  
Թող գիտունք խօսան ու պնդեն յամառ —  
Այդ գիտութիւնը և այդ զուր խօսուածք  
Շահ չունին ոչ ինձ, ոչ մէկի համար:

Թէ մի գիտնական գայ այսուհետև,  
Եւ կապկին ընտրէ իբրև օրինակ,  
Եւ տայ իր կեանքին կապկային մի ձև,  
Փոյթ չէ, ես ունիմ մի այլ նպատակ:

CXIX Ով տխուր <sup>2)</sup> Հեսպէր, պատրաստ ես արդէն  
Արեգակի հետ առագաստ մտնել.  
Արևի վերջին շողը ոսկեղէն  
Սկսում է ահա մարել ու մթնել:

Լծկան եզները ազատ են հիմայ,  
Ցամաք են հանում մարդիկ մակոյկներ,  
Դուռ ու պատուհան փակուած են ահա,  
Քօղարկում է մեզ գիշերուան ստուեր:

Ձովասուն <sup>3)</sup> Բոսփոր, դու սիրուն աստղիկ,  
Քեզ հետ միասին զարթնում է աշխարհ.  
Երգում է թռչունն, գործում են մարդիկ,  
Քեզ է յաջորդում արևը պայծառ:

Բեռնաբարձ նաւը շարժւում է, լողում,  
Ծովափից իրան բարև են տալիս.  
Մուրճի հարուածը լսում է գիւղում,  
Լծկան եզները դաշտ են դուրս գալիս:

Դու Հեսպէր—Բոսփոր, նոյնը կը մնաս,  
Թէկուզ կրումես երկպատիկ անուն—

<sup>1)</sup> Ակորընթացոց ժե 32,  
<sup>2)</sup> Երեկոյան աստղը:  
<sup>3)</sup> Առաւօտեան աստղը:

Ինչպէս անցեալըս և ինչպէս ներկաս՝  
Դիրքըդ ես փոխում, բայց ոչ էութիւնս:

CXX Դու ինձ մօտ էիր, սիրելի ընկեր,  
Երբ կուում էի խօլ խաւարի դէմ,  
Եւ ճեղքում էի անթափանց ստուեր,  
Որ յաւերժական երկինքը տեսնեմ,

Որ անուրջներից թեեր ստացած՝  
Թռչէի դէպի աստղազարդ շրջան,  
Որ հողիս զգար հեզ ու երկիւղած  
Լի երանութիւնս, վայելք անվախճանս:

Թէ ինձ մօտ էիր, եկ ինձ մօտ կրկին,  
Բնակուիր իմ մէջ, ես կարօտ եմ քեզ.  
Եկ, որ զօրանան իմ ջիղ ու հողին,  
Թէ գերեզմանը չէ բաժանում մեզ:

Թող մանկութեանս կարմիր արշալոյս  
Ծագէ իմ վերայ, ով իմ բարեկամ.  
Նոր կեանք ներշնչիր, որ ես լիայոյս  
Մահ ու խաւարից փախչիմ, հեռանամ:

Թող ուրախ ապրեմ՝ որպէս երեխայք,  
Թող տապ ու ցօղից աղեղ զոյանայ.  
Եւ ջինջ երկինքը ցոյց տայ իր հմայք,  
Բացուի ինձ համար մի վարդ ապագայ:

CXXI Այնտեղ ծփում են գետ, ծով ու լճակ,  
Ուր առաջ կային վայրի ծառ ու ճիւղ.  
Եւ այնտեղ, ուր կար ծովի լուռ յատակ,  
Հիմայ տեսնում եմ շէն քաղաք ու գիւղ:

Նոյն իսկ լեռները հալում են կարծես,  
Հասուերների պէս փախուստ են տալիս.  
Ցամաք երկիրներ՝ ամպ ու մէգի պէս,  
Մերթ խտանում եմ, մերթ ցրիւ գալիս:

Թէկուզ աշխարհը այսքան յեղեղուկ,  
Բայց սէրըս անշէջ, յոյսըս հաստատուն—  
Թէ լեզուս հանէ մի վերջին շշուկ,  
Դա հրաժեշտ չէ, այլ ցը տեսութիւնս:

CXXII Նորան է զիմում մեր կարօտ հողին,  
Մերթ երկմտաբար, մերթ լիահաւատ.  
Այն աներևոյթ, անհաս հակին  
Զգում է իր մէջ ամեն մի անհատ:

Նորան չեմ գտնում արեգակի մէջ,  
Եւ ոչ էլ արծուի թեերի վերայ.  
Ո՛չ բանակուիւ, ոչ հարցեր ու վէճ  
Ցոյց չեն տալիս ինձ, թէ որ՛տեղ է նա:

Երբ մերթ հաւատքը մտնում էր խոր քուն,  
Մի ձայն ասում էր՝ «էլ մի հաւատալ.»—  
Ալէժուկի եղերքն փրչում էր խկոյն  
Դէպի անդունդը՝ անտակ ու մռայլ:

Երբ սառած մասը ցրտաշունչ մտքիս  
Հալում էր իմ մէջ բոցից սրբազան,  
«Ես զգացել եմ»՝ ճշում էր հողիս  
Բարկութեամբ լցուած մի մարդու նման,

(Կամ թէ ոչ—երկչոտ մի մանուկի պէս...—)  
Բայց ինձ այդ ճիշը իմաստուն արաւ.  
Մի լալկան մանուկ լինէի կարծես,  
Թէկուզ լացում է, բայց գիտէ հարկաւ

Թէ հայրը մօտ է:—Ես ին՞չ եմ կամ սի...  
—Այն եմ ինչ որ եմ, գաղտնիք անթափանց...  
Եւ մի խուլ տեղից՝ բնութեան միջով,  
Բռնեց ինձ մի ձեռք, որ ձուլեց մարդկանց:

CXXIII Ինչ որ երգիս մէջ ասել եմ արդէն,  
Ինչքան էլ տխուր հնչէ իմ նուագ,  
Թէկուզ իմ երգը շատերը կարծեն  
Ե՛ւ հակասական եւ աններդաշնակ—  
Յոյսըս դարձեալ պիտ վաճ մնայ յաւէտ,  
Մերթ պղտոր էին միայն իմ աչեր,  
Սէրը խաղում էր մութ ստուերի հետ,  
Բայց նպատակը ճշմարտութիւն էր:

Եթէ պատումէր թախիժ իմ սրտին,  
Սէրը երգումէր գոհ ու երջանիկ.  
Եթէ իմ խօսքը հնչումէր ուժգին,  
Սէրը զնումէր վերան իր կնիք:

Սէրը կը վարէ կեանքիս ել և էջ,  
Մինչ անյայտ տեղը բեզ հետ միանամ,  
Մինչ մազնիսական ոյժերըս իմ մէջ  
Բաղխող սրտիս հետ խամրին միաժամ:

CXXIV Սէրը թագունիս և սէրը իմ տէր,  
Որին միշտ կուգեմ մնալ հպատակ,  
Սիրոյ սուրհանդակն բերումէ լուրեր  
Իմ բարեկամից ամեն ժամանակ:

Սէրը իմ իշխան, սէրը թագաւոր,  
Միշտ պիտի տեէ, միայն թէ դորան  
Այստեղ ծառայեմ, և դա ամեն օր  
Կը դնէ շուրջըս մի քաջ պահապան,

Որ հսկումէ ինձ՝ շուրջըս ման գալով.  
Լսումեմ ձայնը այդ պահապանի.  
Լուռ անհունութեան, խաւարի միջով  
Շշնչումէ նա՝ «ամեն ինչ բարի»:

CXXV «Ամեն ինչ բարի» երբ խաւարի մէջ  
Մաքուր հաւատքը բաժանուի ծէսից,  
Թէկուզ մրրիկը մռնչէ անվերջ,  
Բայց եւ կաւետէ մի ձայն գաղտնալից,

Թէ ճշմարտութիւնն յաղթանակէ պիտ,  
Եւ այստեղ տիրէ հաւասարութիւն,  
Թէկուզ Սէյն գետի ամբոխը անմիտ  
Պատնէշներ շինէ ու թափէ արիւն:

Վայ այդ ամբոխին՝ տկլոր ու աղքատ,  
Վայ նոյնպէս նորան, որ կրումէր թագ,  
Ոհ, սասանումեն հիմնաքար ու պատ,  
Եւ գահավիժում բուրգ ու աշտարակ,

Եւ խրում գետը ու հալում իսպառ.  
Բոց է բարձրանում երկրից դէպի ամպ.  
Բերդերը բարձրից գլորումեն վար,  
Եւ ժամանակը ներկումէ արեամբ:

Կարծես դժոխքի երախն է բացուած...  
— Բաղդաւոր աստղիկ, թանկագին հոգի,

Ժպիտ երեսիդ՝ նայում ես դու ցած,  
Եւ ասում այսպէս՝ «ամեն ինչ բարի»:

CXXVI Սէրը թե առած՝ թոչում է ուժգին,  
Միշտ ժանտ մահուան դէմ կանգնած անվհեհր:  
Տալիս է նոր ոյժ մեր թոյլ հաւատքին,  
Որ քննենք կեանքի ընթացիկ դէպքեր:

Ծով-ժամանակը պիտի անկասկած  
Դեռ երկար յուզուի, ծփայ անարկու.  
Տիրող ցեղերը ընկնեն պիտի ցած,  
Բայց, սիլ բարութիւն, ինչ անհուն ես դու:

Ո՛վ անսանձ ժամեր՝ լոյս ու վախով լի,  
Լոկ սա էք արել ձեզ համար կանօն,  
Որ ձեր հին խաղը կրկնի որ կրկնի...  
— Այս է ձեր կարգը, այս է ձեր պաշտօն,

Որ ճոխ ստերով խաբէք ամբոխին,  
Մարդկանց մէջ սերմէք վէճեր ու կոխ,  
Պօքի իմաստը փոխէք հիմնովին,  
Եւ ասոջ բերէք աղանդներ անթիւ,

Որ բռնակալին նոր դասեր տաք դուք,  
Պոնջ գիտնականի ոյժը ջլատէք,  
Ամայի դաշտը դարձնէք գեղաշուք,  
Եւ հին դղեակը մամուռով պատէք:

Բայց թէկուզ հեղնեմ ձեզ ու ձեր վաստակ,  
Տեսնում է հոգիս՝ պարզ ու անխռով,  
Թէ այդ բոլորը ունի նպատակ՝  
Ինչպէս մի արուեստ տարբեր գծերով:

CXXVII Բաղձալի ընկեր, դու իմ սիրելիս,  
Հեռու ես, բայց մօտ՝ խինդ ու վշտի մէջ.  
Երկինքն իմ սիրտը վերեւ քաշելիս՝  
Սիրում եմ բեզ շատ, սիրումեմ անվերջ:

Ծանօթ թէ օտար, մա՛րդ թէ լուսածին...  
— Չը գիտեմ: — քե՛զ եմ նշմարում միայն.  
Ով անմահ, դու չես ենթակայ մահին,  
Դու իմն ես, իմը, իմը յաւիտեան:

Հազուագիւտ ընկեր, հին, նոր, մնայուն,  
Թէկուզ սերտ—սիրուած, բայց անքննելի.  
Մի երազ տեսայ, մի երանգ սիրուն,  
—Թէ աշխարհ քեզ հետ միանայ պիտի:

CXXVIII Քամին փչելիս՝ լսումեմ քո ձայն:  
Նոյնպէս ջրերը մարմանդ հոսելիս,  
Թէ լուսածագին, թէ երեկոյեան  
Քեզ եմ նշմարում, ով իմ սիրելիս:

Արդե՞ք ինչ՝ ես դու, ինչպէ՞ս հասկանամ.  
—Թէկուզ տարրալոյժ՝ դու խառնուած լինես  
Վարդ ու աստղի հետ, ով իմ բարեկամ,  
Դարձեալ ոչ պակաս կը սիրեմ ես քեզ:

Եւ հին սիրոյս հետ պիտի միանայ  
Իմ այժմեան սէրը ու աճէ յաւէտ,  
Ես սիրումեմ քեզ, թէկուզ դու հիմայ  
Խառնուած ես Ասածոյ ու բնութեան հետ:

Թէպէտ հեռու ես, բայց միշտ ինձ մօտիկ,  
Սիրտըս բերկրումէ, երբ իմ մէջ ես դու,  
Հնչումէ շուրջըս քո անուշ ձայնիկ  
Թէկուզ իսկ մեռնեմ, քեզ չեմ կորցնելու:

CXXIX Դու կամք կենդանի պիտ յարատեես,  
Թէկուզ սասանին երկինք ու երկիր,  
Կանգնիր մեր մէջը անշարժ վէմի պէս,  
Ոյժ տուր գործելու, մղիւր ու մաքրիւր,

Որ ամեն մի անձ վերինը դիտէ,  
Եւ կանչէ Նորան, որ լսում է մեզ,  
Եւ տալիս հաւատք նորան, որ գիտէ  
Իշխել իր վերայ և մնալ միշտ հեզ,

Որ դրաւ մեր մէջ ճշմարտութիւններ,  
Որոնք հաստատել չենք կարող այստեղ,  
Մինչև այս երկրից սլանանք ի վեր,  
Եւ հոգիս հոգուն միանայ այնտեղ:

Վ Ե Ր Զ





